



永樂大典

卷九百七
之九百七



永樂大典卷之九百七十五

二支

兒

小兒證治八

小兒驚候

論

巢元方病源小兒形證論五藏驚傳候一肝藏驚風令小兒非時窺上眼
 睛手脚冷二腎藏驚風令兒齧齒面色赤三脾藏驚風令兒夜啼白日多
 睡四心藏驚風令兒發心熱四肢逆冷五肺藏驚風令兒口內熱喘出氣
 細微五藏驚邪皆因驚風傳受緣初驚有涎涎在鬲上不發或即涎潮藏
 腑入驚邪也日久不醫致傳邪氣入於心肺或傳肝脾腎等也却被巫師
 皆言有崇妖禍求神漸加深重即令小兒枉喪性命雖有名方千道須曉
 病源今具傳入五藏于左一驚邪入脾鄭冲虛云令兒非時噴乳嘔逆
 翻吐不思飲乳故成慢驚也二驚邪入心周奇云令兒非時面上赤紅
 惡叫四肢緩慢故成慢驚也三驚邪入肝鄭冲虛云令兒眼目上翻眼
 多白睛上窺引飲故驚癇也四驚邪入腎趙氏云令兒忽然面上黑色

惡叫咬人。故驚啼也。五驚邪入肺。崔氏云。令兒夜多虛汗。狂言亂叫。或傳下利。是虛驚也。張杲醫說。驚風妙藥。趙周士之子三歲。忽驚風掣癎。體如反張弓。不納乳食。四肢盡冷。衆醫莫能措手。族弟善信來云。邑主簿李賡藏一方。療此證如神。急求併力治藥。才合就。便以擦兒齒。少頃作噦咳聲。手稍轉動。自夜至旦。灌兩餅。從此平復。趙焚香設誓。將終其身。以施人名。蝎梢餅子。用赤足全蜈蚣一條。蝎梢乳香。白花蛇肉。朱砂。天南星。白僵蠶各半兩。麝香三錢。凡八味。砂乳麝別研。蛇酒浸去皮骨取淨。南星煨熟。僵蠶生用。與蜈蚣五者爲末。別研三者和均。酒糊丸。捏作餅。徑四分。煎人參或薄荷金銀湯磨化一粒。周晬以下者半之。全活小兒不可計。癸志惠。

眼觀證論小兒驚候。急驚者。本內有風熱。面色紅赤。又因乳母不自調攝。酒食過度。或湧乳飲兒。或涎停隔中。或風感身內。故中此疾。遍身壯熱。弔上眼睛。四肢搐搦。牙關不開。胎驚者在母胎內。八九月時。母曾中驚。胎納邪氣。傳之心藏。發時亦壯熱吐涎。眼帶番張。此候生一月日。或半月後發。慢驚者。榮衛皆受邪氣。面無血色。臟腑久冷。或瀉或吐。或自驚撲。因而成之。又論小兒原有驚候。白日多睡。遍身虛汗。是驚氣納脾。喘氣微細。是驚氣傳肺。無故咬人。是驚氣傳腎。非時忽然眼青。弔上。是驚氣在脾。夢裏多

咬牙。是驚氣在骨。夜啼至曉。是驚氣傳心。面色非時紅赤。是驚氣在心上。喘嗽水。是驚氣在肝。惡聲啼叫。是驚氣在腎。前後心及四肢熱。是驚氣傳脾。欲吐瀉。凡小兒驚風。切忌爪甲青黑。及吐出白虫。有血瀉下。啼叫無淚。與夫眼直半開半閉。兼亦咬人。時復鴟聲。皆不可用藥。載切切新書鄭端

友全嬰方論驚搐握拳夫驚搐握拳者。有陰陽兩證。陰者。拇指在內。陽者。拇指在外。陽拳者。順陰拳者。逆也。論驚氣哽噎。夫因驚則氣亂。氣亂則上下不通。併於中焦。氣壅則痰聚。痰聚則不散。故氣結噎哽。仰而噓歎。此驚之先兆也。有火患癩疾者。必須哽氣實者。天霜散吐風散吐涎。或真珠圓利驚圓下涎。或奪命散吹鼻。令關隔通利。更與安神膏補之。琥珀散除驚氣虛者。對證用藥。驗驚搐先證。目鮮目眇。目白目青。目斜目闔。目轉目瞪。聲焦聲啞。聲顫聲輕。呬口弄舌。捲舌露筋。噓氣哽氣。噎氣撮唇。噎乳噎食。忽然定睛。吐涎吐沫。拗頸仰身。搖頭擦面。藏頭畏明。手攣手顫。脚彎不伸。忽撩忽亂。恍惚精神。失張失志。眠睡不寧。睡中喜笑。困戛齒齧。心煩躁熱。啼哭咬人。面臉弄色。或紅或青。伸舒用力。微微作聲。有前證候。是欲發驚。已上證候。不久必發驚癩。預防之。驅風膏琥珀散。更擇對證藥。頻頻喂乳。日日便青。吐痰吐食。瀉酸瀉腥。吐嫌多困。瀉怕脫形。晝眠默

默夜起頻勤。瘡癩無度。涎喘作聲。虛腫藏冷。盜汗骨蒸。諸竅失血。諸渴亡津。諸病進退。必成慢驚。已上證候。久則必發陰癇。預防之。安神膏。琥珀散。更擇對證藥治之。凡小兒有疾。須宜速治。失治則變大患。至道御書云。小惡不誅。則大罪盈。小病不除。則大患至。所謂停囚長智。養病喪身。可信之矣。**仙人水鑑**。小兒驚候歌。地上坐時睡。驚風本在肝。夜啼並面白。肺臟與詳觀。顏色時時變。心形日日觀。喘微脾臟乏。咬齒骨家看。夢裏咬齒骨家驚風。又歌面白腫虛多吹乳。四肢煩熱汗頻生。雙腮五色時時見。惡叫元來盡屬驚。載切切新書**漢東王先生方**。小兒驚風可醫者。非時寫眼驚入肝。何以知之。肝主筋。肝受邪故搐於眼。若眼赤是肝之外應。故非時寫眼。必真青也。夢裏咬牙驚入腎。何以知之。腎主骨。骨齒也。其齒痒。及夜屬陰。乃咬牙。故知驚入腎也。夜啼至曉驚入腸。何以知之。小腸是心之府。心屬南方丙丁火。陰陽相尅。故入小腸。至曉乃歇。日屬陽。夜屬陰。乃相尅。故啼矣。面青下白驚入膽。何以知之。在膽。肝屬木。其色青。膽是肝之府。故面青下白。而知在膽。必須吐涎也。氣喘喫水驚入肺。何以知入肺。肺主氣。被驚所折。其氣即喘。要喫水者。則是肺虛熱。故知在肺。要喫水也。面臉紅赤驚入心。何以知入心。其心屬火。又主血。外應臉。故令面赤。是知入心也。喘

氣微細驚入肝。何以知入肝。其喘即是肺也。肝畏金。故知陰入陽也。其人當薰青。睡時手脚搐俱不定。如治驚宜下洗肝丸散矣。前後五心熱驚入脾。何以知入脾。胃與脾俱象土。胃主四肢。故主脾肝入脾也。胃者是脾之府。其人必當吐後發熱不時是也。喉內如鋸驚入大腸。何以知入大腸。其大腸是肺之府。肺為諸藏之上。蓋又主於氣。入大腸則上衝咽喉。作聲而響。如無痰。故知入大腸。宜下取驚積藥。無時乾嘔驚入脾胃。何以知入胃。其胃在咽喉下。主化穀食。被驚風入其中。則痒。而時時乾嘔。故知在胃也。宜調胃氣。後下驚風藥耳。睡中驚哭。渴在三焦。何以知入三焦。其三焦無形。只是脂膜。睡着時。三焦被驚邪所干。即乃驚起而哭。故知此患於三焦。發後日久自差。只宜下驚藥也。小兒驚風不可醫者。驚風爪黑不醫。其爪黑主肝。肝絕則不脛其爪甲。黑不醫也。亦為血絕。血絕血不脛則爪黑。十無一存也。驚風瀉黑血不醫。此為心絕。心主血。心絕則不能榮於血。此人不得一周時也。何以知之。心是五藏之主。主若絕。故只得一日而死也。驚風日多盜汗不醫。何以不治。其汗者主於氣。氣是衛之所係。衛絕則不

管於氣。故令汗出不止。數日而死。驚風忽作鴟聲不醫。此為肺絕。聲只有出而不迴。肺亦主聲。肺絕則聲一去而無迴。其人三日必死也。驚風咬人

不醫。其咬人者是骨絕。主在齒。其骨若絕。故令齒痒。則便咬人。約七日死。為從裏損出則遲。故在七日矣。驚風眼半開半合不醫。此謂之腎絕。腎是五臟之根本外應。其眼黑腫。其腎絕則無光無力。不能開閉其眼。只候四日而死。何以知之。其腎屬北方而守未。其病從下上。故知只四日而必死。驚風口鼻乾黑不醫。此謂脾絕。何以知其脾絕。主津液俱無。乃知是脾絕。兩日而死。死時須寅卯時木尅土也。凡是驚風者。則是壯熱。卧則驚叫。不時。脾風多因吐而得。必有風痰。急驚風者。只是中外邪也。慢驚風者。是虛積生。胎驚胎熱之所為也。栖真子嬰童寶鑑論小兒驚風。但身熱驚哭不止。睡眠不靜。手足微微痠癢。不食乳。或如傷寒候也。翰林待詔楊大鄴論小兒生下百日内難者。為胃腸未整。神氣微怯。舉動多驚。此蓋由在胎之時。母多喫動風及粘滑肥膩之物。爰燻諸般肉等。兼嗔怒不常。言語高聲。交合陰陽之時。搖頭百脉。或生時坐婆踈拙。使口中不淨。或帶風入四肢。或浴當風。包裹失度。被浮熱引惡物於脾胃之間。漸流散於五臟六腑。毒氣既傳。榮衛差互。初即頻頻吐。現腹脹異常。時時呵來噴去。往往睡裏虛驚。或即手足緩急。目帶上翻。尋究病源。豈是卒然。保生論小兒驚候。其脉急數驚者。乃腎受驚也。驚熱之氣流灌於心。心為帝王。不受觸搦。既受觸

搦便生風候。素問云。腎主恐。小兒纔受觸搦。便有面青呵欠候。孩兒面青色是驚。若一次受驚。看太陽左側青脉朝眼是也。男左女右。第二次受驚。山根上青脉是也。第三次受驚。眼下臉連金匱有青見是也。三處皆有青者。皆是受驚極候。主小兒睡中驚擲。見人恐怖。咬齒無時。喉內有涎。渾身抽掣。手足痠癢。吐食非時。吐舌將手拏人。多哭不住。凡有此者。皆是驚候。若小兒風熱盛。乃驚痰流灌肝心二藏。令小兒忽然眼目上視。手足急搐。惡叫暴悶死。此名急風疾候。宜與壓涎乳香散二服。方見本門次與生銀圓三服。方與古氏家傳方同。見急慢驚風門中。下驚涎。若小兒臟腑虛薄。驚涎灌心胞絡。令兒眼目緩慢。手足微動。喉內涎響。渾身不熱。此是慢驚風候。宜與生銀圓。次與鎮心圓。鎮心圓。方與鳳髓經同。見本門中。若驚風死候。則其脉絃大。魚口開。氣竈喉中如牽鋸。項軟無力。脚面直。顛腫顛陷。目似開不開。瀉如痢血。身體軟無力。已上並是死候。不可用醫救。飛仙論小兒病候。小兒非時吊上眼。是肝驚。小兒非時夢裏咬牙。是骨驚。小兒夜啼至曉。是肝驚。小兒非時要咬妳。是驚帶邪氣。小兒面上青白色。是驚風。小兒前後心熱。及四肢熱。是驚。小兒非時面紅赤。是驚入心。小兒上氣喘喫水。是驚帶邪氣入肝。小兒面上黑色。要叫。是驚

風。小兒口內微喘細是驚。小兒夜卧有盜汗是驚風。小兒白日多睡是驚風。已上三論。並載切切新書。楊仁齋直指方急風慢風。慢脾風。小兒急慢驚風。古所謂陰陽癇是也。急者屬陽。陽盛而陰虧。慢者屬陰。陽虧而陰盛。陽動而燥疾。陰靜而遲緩。其始也。皆因臟腑虛而得之。虛能發熱。熱則生風。是以風生於肝。痰生於脾。驚出於心。熱出於肺。而心亦主熱。天官疾醫注云。肺氣熱心氣次之。驚風痰熱合為四證。四證已具。八候生焉。搖掣顛反引窠視日八候。凡搭眼搖頭。張口出舌。唇紅臉赤。面青眼青。唇青瀉青。太陽髮際印堂青筋。三關虎口紋紅紫或青者。皆驚風狀也。大抵熱論虛實。證別逆順。治有後先。蓋實熱為急驚。虛熱為慢驚。慢驚本無熱。所以發熱者。虛使然爾。急驚屬陽。用藥以寒。慢驚屬陰。用藥以溫。甚不可以陰陽無別。故曰熱論虛實者此也。男搐左視左。女搐右視右。男眼上窠。女眼下窠。男握拇指出外。女握拇指入裏。男引手挽左直右曲。女引手挽右直左曲。凡此皆順。反之則逆。亦有先搐左而後雙搐者。但搐順則無聲。搐逆則有聲。其指紋形勢彎弓入裏者順。出外者逆。出入相半者難痊。目屬肝。肝受風熱。則目直視。或上窠。或兩背頻搭。若無臉赤五心煩熱之證。却不發搐。必挾心熱。則肝風心火二者交爭而發搐也。但窠視直視者。

與瀉青圓更加發搐者。以導赤散兼之。大抵肝風心火。乃急驚受病之處。瀉青圓去肝風。導赤散降心火。切切新書以為要藥。故曰證別逆順者此也。陽病陰脉。陰病陽脉亦反。熱盛生痰。痰盛生驚。驚盛生風。風盛發搐。治搐先於截風。治風先於利驚。治驚先於豁痰。治痰先於解熱。其若四證俱有。又當兼施並理。一或有遺。必生他證。故曰治有先後者此也。綱領如此。若折急慢脾風而言之。則暴烈者為急驚。沉重者為慢驚。而慢脾則重而深矣。按錢氏方。小兒發搐身熱喘急。目斜露睛。四肢逆冷。李醫槩以定驚搐一劑與之。殊無主對。錢遂別之曰。發搐為肝實。身熱喘急為肺虛。目斜露睛為肝肺相勝。四肢冷為脾虛。治法先用益脾補肺。胃氣稍復。然後瀉肝涼驚而安。一證直視而不能食。或謂神祟使然。錢知其為肝旺勝脾。與之瀉肺而愈。一證吐瀉或利小便過多。以致脾虛不食。錢用益黃散作效。已經數日。忽爾不語。眾醫類以失音湯劑主之。竟無寸效。錢氏用地黃圓數劑補腎。於是能言。所以然者。前乎清利小便太過。遂使脾腎俱虛。雖已補脾而腎尚虛故爾。至論肺虛痰實治法。當下故下之。必先益脾。然後瀉肺。經云。欲瀉其子。先補其母。此錢氏要訣。錢氏方瀉青圓。瀉白散。導赤散。瀉黃散。宣風散。乃瀉五臟藥。益黃散。白朮散。阿膠散。地黃圓。皆補

五臟藥心中驚熱清心而熱不退則與之助胃胃不虛則熱不生或胃
虛不食又且大小便難則不為之疏利蓋利之則胃愈虛而身必冷其
有傷風寒而吐瀉者欲止吐瀉不特溫脾須以發散之劑先之風寒散而
吐瀉自止矣不特此耳小兒平常服藥過多頑玩臟腑調和之劑不愈則
易之以攻擊固守之劑太過則時乎而疏利主治在我不可不問源流不
可徧徇病家所欲圓機達變消息輕重而應之是通變之不可無法也大
槩小兒臟腑柔嫩易實易虛易冷易熱兒有大小壯弱病有輕重淺深所
貴乎目視指切意度心惟醫權藥衡斟酌對治用之得中為上矣驚風
方論驚者虛惕怔忡氣怯神散痰涎來去其瀉必青漸生風而未至風
也驚邪入心則面紅臉赤惕惕夜啼驚邪入肝則面目俱青眼睛竄視驚
邪入腎則面黑惡叫啞妳咬牙驚邪入肺則面色淡白喘息氣乏驚邪入
脾則嘔吐不食虛汗多睡面色淡黃據脈觀之虛則散而濡實則數而駛
治法鎮驚化痰安神定志亦須究竟某臟受病之處而調理之然有所謂
利驚有所謂涼驚虛者溫之實者利之熱者涼之是為活法睡中驚啼聲
浮者易治聲沉不響者難痊至若眼陷無光白睛灌人爪甲青黑四體垂
驛一藏氣絕不可勉強下藥面赤如緋面青背冷頭目仰後足冷目青腹

脹胃高手掣胃膈唇舌鼻黑魚口氣麤顛腫顛坑啼哭無淚冷汗不止汗
出如珠如油眼青瀉黑血悶涎入心肺噓舌出口咬人五硬五軟五冷五
乾皆惡證也雖然小兒有病問之則切不能言望之則易驚易喜診之則
或惕或動自六歲以下黃帝不載其說者以其難也又况驚風一科古無
全書則尤為難如前所云固足以知三證之詳矣至於辨析體認通變之
際有言而不能盡其蘊者可不深加之意乎驚風一也痊瘕發癇卒中天
癇撮口亦風之種類焉又論腦麯銀粉巴硝等不可輕用小兒急驚
風古人以其內外熱熾風氣暴烈而無所泄故用腦麯麻黃以通其關竅
銀粉巴硝以下其痰熱蓋不得已而用之其熱為風熱盛實者設也世俗
無見不權輕重每見發熱發搐輒用腦麯蟾酥鉛霜水銀輕粉巴豆芒硝
等劑視之以為常惟其不當用而輕用或當用而過用之是以急驚轉為
慢驚吐瀉胃虛荏苒時月驚風之所為難療者正坐此也萬一發熱驚搐
本為傷風傷寒傷食瘡豆而作誤藥至此其為害豈淺淺哉以理觀之能
用細辛羌活青皮乾薑荊芥之類以為發散勝如腦麯能用獨活柴胡山
梔枳殼大黃之類以為通利勝如銀粉巴硝設或當用而不可無之亦須
酌量勿使過劑此切切書所謂瀉青圓導亦散乃醫功之上藥者良以是

歟。故論此以為輕用藥者勸。又論蜈蚣有毒，惟風氣暴烈者可以當之。然其風氣暴烈，非蜈蚣能截，能擒亦不自止。但用之貴乎藥病相當，弗容固執。或半字，或壹字，或桐子半圓，或桐子壹圓，尤在酌量而作劑也。設或過焉，當以蚯蚓桑皮為解。凡幼兒欲發驚風，先神志不定，恍惚懼人，搭眼上視，左顧右盼，伸手握拳，悶鬱弩氣，情態不若尋常。如此者，有驚即散驚，有熱即退熱，壅實即去壅實，熱退則不生痰，驚散則不生風，壅滯通則氣得其平，病無由作。是固當以小劑治之。若夫患在痰熱，全未有風癇搐搦顛引之狀，則只與退熱化痰。如參蘇飲之類可也。謹勿妄投通關利膜等劑，恐或透其熱，流入經絡，反成風痰。此又小兒無病不可服藥之戒。世俗玩習，以為小兒體熱，或遇澡浴，即與久坐湯水之中，風冷外傷，水濕內滲，頃刻間遽成風搐，或惡叫頻吐，或昏迷失音，或洞泄不已，勢如暴風疾雨，難以支吾，不可不戒。黎民壽簡易方驚者七情中之一也。古人於小兒論中，不言喜怒哀悲憂思恐，而獨言驚者，小兒初生，氣脈未定，精神未全，天之所稟者，混然一真，七情雖具，而未有愛着，但念乳食餘無所知，喜怒哀悲憂思恐皆動於中，惟驚從外來，神氣無雜。一有所觸，悸動不安，啼叫搖擗，嘗原喜怒哀悲憂思恐字皆從心，驚之為字從馬，古人因字命名。

亦寓意深，蓋氣者善惡之馬也。適於善則為善，適於惡則為惡，其機甚可畏也。驚之為病，有急有慢，留於陽則為急，伏於陰則為慢，亦猶馬之有善惡也。馬以喻氣，非啣轡則不能制，驚之為病，非藥石則不能調。信知馬之不可以不善，猶驚之不可以或有也。是以驚風有急慢二證，而古方止曰陰陽二癇。所謂陰陽者，急慢之異名耳。況嬰孩十歲以下曰癇，十歲以上曰癩。陽癇屬腑為陽證，俗曰急驚，其證身熱面赤，驚發則搐搦，兩目上視，牙關緊硬，宜用涼藥。陰癇屬臟，俗曰慢驚，其證因吐與瀉，或吐不瀉，積日漸困，面白脾虛，不甚搐搦，目微上視，手足振動，宜用溫藥，不可一槩施治也。常見後人不明乎此，但知急驚用涼藥，不知太過則反成慢驚。至於慢驚，但知用溫劑，不知太過則反成急驚。迄無定見，用藥舛逆，縱能取效於目前，而不知釀成癩癇為終身之痼疾，欲全嬰者，幸加意焉。療驚發風議曰：有痰者必有熱，隨之有驚者必有風，繼之利其驚，其風豈有散其熱，即痰不生。此醫家者流所得其宜，調理證候，截風定搐，以明其要也。如此常見豪貴家，纔見孩童有熱，不問元因，便投驚藥，日輒數粒，月既積多，雖則驚悸不作，忪恐無妨，其兒所服寒涼藥多，脾胃虛弱，不吐即瀉，遂成慢風，更與驚藥愈加其疾，調理醫工當究其後，免致其禍害生焉。李東垣

試效方治驚各有所因用藥不同論 錢仲陽治急驚以涼瀉之肝風木也主驚心熱火也主動火來木中子能令母實實則瀉其子故立瀉青丸導赤散之類瀉其肝實驚自愈矣內經曰風淫所勝平以辛涼者是也夫慢驚者皆因妄用快利食藥損其脾胃久瀉不止或因乳食不調而成吐瀉亦令脾胃虛損內經云不足而往有餘隨之又云不及則兼其所不勝故風木來乘土位慢驚之病作矣治當詳其溫涼寒熱先實其脾胃後散風散則愈矣又如外物驚者宜鎮平之以黃連安神丸若氣動所驚者宜寒水石安神丸不可便以辛熱之藥散之防風丸之類是也因驚而泄青色者先鎮平以朱砂之類治以風邪下陷也不可便用苦寒之劑瀉其土也**栖真子**嬰童寶鑑驚癇死候項軟無力魚口開氣竈喉中如拽鋸不頭直面紅如裝目陷無光啣衣并咬人目似開不開瀉下如瘀血身體若無筋骨**茅先生**方小兒初受驚風候歌驚風之候有多般說出根源見易難夢裏咬牙驚入骨非時眼上病歸肝夜啼到曉聲無息面黑兼青候一般前後心煩四肢熱面紅如血向心間夜啼盜汗日多困氣竈嗽水肺邪干惡聲頻叫形多黑非時咬妳腎邪端口中氣喘眼直視此是驚風仔細觀又小兒驚風死歌候小兒如得驚風

候指甲青兼黑似烟口吐白蟲便黑血眼開不閉半搥肩咬人白日多驚汗忽作鷓聲不可看又小兒驚風死候項軟都無力喉中似鋸枋面紅粧色見目暗昏無光魚口開竈氣脚脛直偏長啣衣胡亂咬瘀血瀉於床睛開還又閉渾身硬似僵十般驚候病休用更思量**惠濟**小兒驚風日久肝藏絕候歌壯熱頭旋不舉頭目黃眼澀也堪憂有時呢妳兼翻食四體如冰痛入喉須信本因驚患得連綿日久更何求只因命盡歸泉壤脉亂浮洪却似鉤載幼幼新書湯民望嬰孩妙訣總要小兒積成驚八首歌腹中有塊面如朱疳積如油體亦虛診脉看醫須着意精神恍惚命須更第二變成浮腫患形容土色是脾虛為嫌乳食不悅喫醫持秋後命徐徐第三眼下胃積虛胎中受疾實難除更加骨熱三焦渴腹脹生蟲臟腑虛第四身熱火相兼隔熱風痰口有涎多是所傷諸毒物致令病苦有根源第五七歲至三秋遲行體軟亦難留病狀只因不足月自然修短命須休第六青筋有數行肝家受病自難當若加嘔吐驚風作空有良醫少妙方第七脾疳鼻下赤變驚心熱口生瘡日中啼叫風癇作眼反喉乾不久亡第八赤脉亦然浮渾身冷汗陰中虛忽即高聲驚候起乍進乍退必難除温大明隱居方小兒

驚風多有等殊。或急或慢。或虛或實。或吐或瀉。以至生驚者。但用花蛇頭一枚。燒作灰用。如無花蛇。以烏蛇代之。全蝎二錢。麝香一錢。辰砂一大錢。防風乳香各半錢。赤脚蜈蚣一條。用火炙。南星一錢。灰火炮。川烏尖半錢。生用。右件并為細末。水煮棗肉為丸。如鷄頭大。陰乾。每服一丸。薄荷湯下。詩曰。急慢驚風有等殊。蛇頭蝎麝及辰砂。防風乳香兼赤脚。星烏和劑便令甦。鄭端友全嬰方。滋煎生驚歌。滋煎無休歌。風生五臟中。面青因腹痛。不爾變驚風。呵欠生驚。呵欠若頻頻。睛斜撮口唇。雖然驚未發。啼哭動心神。搖頭生驚。搖頭頻擦面。拗頸亦因風。目眩青鮮定。牽身勢若弓。掩面驚哭歌。掩面藏頭哭。心虛怕見人。驚潮肝腎作。憂齒及牽唇。驚喘痰噎。驚喘痰潮噎。風驚又食傷。蓋因三種作。發熱體如湯。驚痰壅滯歌。痰涎壅乳滯胃中。膈節令兒氣不通。嗽吐自然生喘急。精神恍惚變驚風。驚風不語。驚風得病不能言。只被風邪五臟綿。涎滯肺心關氣道。致令聲語不相連。孩子發驚。孩子發驚時。唇紅汗濕肌。瞪睛雙直視。軀體四肢垂。腹脹頻頻喘。精神漸漸衰。吐涎非易治。爪甲黑難醫。驚風指黑歌。驚風指黑爪如煙。手足多垂軟。似綿咬妳多啼無淚下。暫時停息又牽纏。再發驚風。或發驚潮搐。涎流臉目斜。烏青連

口鼻。啼哭類如鴉。經濟小兒保命方書驚證歌。目白沉沉碧。瞳人散黑睛。乳時頻齧齒。髮際印堂青。見物多憂怕。饒啼少悅情。卧時常不穩。此候累因驚。多因驚撲未發熱候歌。面青呵欠累遭驚。痰壅饒啼睡不寧。翻眼面紅頻壯熱。忽然至後是驚人。小兒若頻遭驚撲。未發熱已前。可常服前項鎮心丸散。養生必用說諸蛇骨牙皆有大毒。取之特慎。傷人多損性命。殭蠶去絲。背剉赤色。蛇蛻炙黃。蟬蛻洗去土。去頭翅足焙。蛇酒浸去皮骨。取肉焙乾。蜈蚣去頭翅足炙令焦。蛇黃燒令赤。醋淬五七次。蜈蚣勿用傷水者。驚藥內多用之。故載其說於此。載

方

本草治小兒夜驚。大人因驚失心方

右取震肉作脯與食之。此畜為天雷所霹靂者是

仙人水鑑牛黃散。壓驚鎮心治風。退一切病

鬱金 二箇 裹炮 甘草 二錢 巴豆 三七粒 出油盡

半夏 七箇 薑汁 煮乾 白附子 去皮 生用

雄黃 朱砂 各細研 犀角 末 乾蝎 炙 各一錢

水銀膏治驚風
右為末研勻。入麝香少許。每服一字。薄荷湯下。

水銀 半兩用石腦油研如泥
白龍腦 生
膩粉 各一錢
蝎稍 二十一箇研

右為末研如泥。候次日於乳鉢內取出。凡如菉豆大。一丸至兩丸。薄荷湯下。

斗門方治小兒未滿月。驚着似中風欲死者。

右用朱砂。以新汲水濃磨汁塗五心上。立差。最有神驗。

日華子治驚邪癩癩。小兒客忤。消食及冷氣方。

右並煎鐵屑汁服之。

陶隱居作小兒浴湯主驚忤。

右以升麻取葉按汁作湯浴之。

治小兒驚邪方。已上七方。並載幼幼新書。

右用驚窠與驚屎同多少。以作湯浴兒。療驚邪也。

王袞博濟方青黛丸。治小兒驚食哽氣。

青黛 一分
木香
豆蔻

檳榔 各一分

麝香 一錢
續隨子 一兩去皮

蝦蟇 三箇燒存性

靈苑方雄朱丹。治小兒驚風方。
右七味同為細末。煉蜜為丸。如菉豆大。每服五丸。薄荷湯下。

雄黃
朱砂
麝香 各研
膩粉 各半兩

白附子
半夏 湯洗七遍
天南星 炮
川烏頭

附子 各生去皮臍
乾蝎
羌活

天麻
川芎
肉桂 去麤皮
白殭蠶

木香
白鮮皮
烏蛇
花蛇 並酒浸去皮

骨取肉炙用。已上各一兩。
巴豆 半兩去心膜。薄荷汁煮伍七
十沸。淨洗。紙裏壓出油用。

右二十味為末。令勻。粟米粥為丸。如菉豆大。常服。茶酒下。三丸。冷氣生薑湯下。宿食不消。橘皮湯下。大小便不通。甘草豆淋酒下。急風薄荷酒下。癰瘰豆淋酒下。酒食傷。生薑湯下。元氣動。茴香湯下。血氣。荊芥酒下。或醋湯下。大腸祕澀。生薑湯下。白痢。椒湯下。風眼。淡竹葉湯下。頭風。槐枝湯下。風疹。蜜酒下。赤白痢。二宜湯下。頭痛。傷寒。鹽湯下。赤痢。甘草湯下。小兒疳米飲下。治風眼。古井水下。小兒風眼。古井水。

煎淡竹葉湯下。小兒驚風。薄荷乳汁下。
牛黃散。化風涎。治積年心恙。諸癩風癩。謬忘昏亂。及小兒驚風。益精神。開
心志。鎮驚消痰。

牛黃

犀角屑

羚羊角屑

雄黃

人參

鵬砂

鐵粉

鉛霜

鬱金

膩粉

辰砂已上各一分

北礬 一兩半

片腦

麝香各半分 金薄五十片

天南星 去皮心。剉如骰子大。入黃牛膽內懸東北方上。百日令乾。

取三兩未乾。則曝令乾。如急要用。搗天南星末。膽汁和為餅子。曝

乾用

右為末。常服一字。小兒半字。薄荷湯調下。中風涎甚及心疾。每服一
錢。小兒一字。薄荷自然汁調下。如中風吐涎。臨時加膩粉半錢同服。

透關散。治卒中痰厥諸癩。小兒驚風。涎滿口噤。立效。

朱砂

水銀同朱砂研如鐵色。無星為度。

龍腦

膩粉已上各半錢

牛黃少許

右五味同研為細末。分作三服用。煎薄荷湯調下。取出惡物。五七日

後更一服。一月更一服。小兒每服一字。薄荷湯下。口噤者。拗開灌之
甚妙。

朱砂散。壓驚安魂定魄。鎮心藏退風熱。一切驚風。

朱砂 揀去石研 白附子 各二錢 附子 一箇 去皮臍

天南星 去臍

天麻

乾蝎 全者

半夏 湯洗七遍去

滑為度 各一錢

右件藥七味各細剉碎。日曬乾。杵羅為極細散。次入朱砂末再研合
令勻。以瓷罐收之。二歲已下每服半字。四五歲已下每服一字。強六
七歲半錢。十三五歲加至一錢。如是退一切驚熱風熱。效嗽。喉中壅
隘。並宜食後用蜜和熟水調下。一切風不問急慢。咬齒拗項。翻眼氣
麤。手足搐搦。並用冷茶清調下。服良久。膈上有風涎。則吐之。不爾汗
出。立差。亦有尋時並定也。有猛發一上者。良久再進一服。疾定後更
加牛黃少許。和前藥用薄荷蜜水調下。日進三服。若要為丸子。用薄
荷生薑汁蜜酒煮麵糊杵合。丸如菉豆大。每服用薄荷湯下五丸。更量
兒歲數大小。臨時加減。忌動風毒物。

太醫局方潤體丸。治諸風手足不隨。神志昏憤。語言蹇澀。口眼喎僻。筋攣

拘急骨節煩疼。頭眩暈。恍惚不寧。健忘怔忡。痰涎壅滯。及皮膚頑厚。麻痺不仁。小兒驚風諸癇。

雄黃

辰砂各水飛

牛黃

乳香

生犀末

羚羊角末

麝香七味各別研如粉

白龍腦別研極細

沉香

木香

丁香

藿香葉

檳榔

肉豆蔻仁

白殭蠶微炒

蒺藜子微炒

蔓荊子去白皮防風去蘆頭又枝

黑附子炮裂去皮剉尖

麻黃去根節已上各一兩

人參

羌活各去蘆頭白茯苓去黑皮白附子

桂去蘆皮

晚蠶蛾微炒

芎藭已上各一兩半

乾蝎微炒

半夏水浸三十沸薄切焙乾入生薑汁炒

川烏頭炮裂去皮臍尖擣碎炒黃已上各貳兩

白花蛇酒浸炙去

皮骨取肉

天麻去苗各三兩

白豆蔻仁

南番琥珀別研如粉

膩粉研各半兩真珠末別研如粉

獨活去蘆頭各三分

金薄六十片為衣

右為細末入研藥令勻煉蜜搜和丸如鷄頭大每服一丸細嚼溫酒

下荆芥茶下亦得加至二丸如破傷心風脊強手搐口噤發癇即以熱豆淋酒化破三丸斝口開灌下少時再服汗出乃愈若小兒驚風諸癇每服半丸薄荷湯化下不拘時候天麻防風丸治一切驚風身體壯熱多睡驚悸手足抽掣精神昏憤痰涎不利及風溫邪熱並宜服之

白殭蠶去絲甯炒

乾蝎炒各半兩天麻去苗

防風去苗

人參各一兩

朱砂研飛

雄黃研

麝香研

甘草炙一分

牛黃一錢

右為細末煉蜜為丸如梧桐子大每服一丸至二丸薄荷湯化下不拘時候

八珍丹治小兒驚風壯熱精神昏憤嘔吐痰涎驚悸恍惚或發癩癧目睛上視

天麻去蘆頭

甘草剉炒

朱砂研飛

牛膽

天南星已上各五兩

牛黃研一分

銀薄七十片為衣

天漿子微炒三伯五十箇

雄黃飛研

膩粉研二味各一

兩一分

右為細末。入研藥勻。煉蜜為丸。如豌豆大。以銀薄為衣。每服一歲兒服一丸。薄荷湯化下。疾證未退。可再服之。更量兒大小加減。妳食後服。太一銀朱丹。治小兒驚風壯熱。涎盛發癇。手足搐搦。目睛上視。及風壅痰實。心膈滿悶。嘔吐痰涎。大便秘澀。

黑鉛煉十遍。秤三兩。與水銀三兩。結砂子分為小塊。同甘草十兩。水浸半日。候冷取出。研。

鐵粉三兩。朱砂飛研半兩。

膩粉研一兩。天南星炮為末三分。右研勻。麵糊丸。麻子大一歲兒一丸。薄荷蜜水下。微利為度。未利再服。乳後食。

軟金丹。治小兒驚風壯熱。多睡驚掣。精神昏憤。痰涎壅塞。手足搐搦。目睛上視。項背強硬。牙關緊急。

青黛 麝香各細研 充墨燒淨研 膩粉

胡黃連末 使君子末各一分 寒食麵七錢半

天漿子七箇炒為末

右合研勻。以白麵糊為丸。如小豆大。每服一丸。煎金銀薄荷湯化下。五歲已上可服二丸。更量大小虛實加減。不計時候服。

一方至聖丹。專治一切驚風天疳。目睛上視。手足搐搦。狀候多端。用藥一丸。用溫水化滴鼻中。令噴嚏。參五次。更用薄荷湯下二丸。即愈。如久患五疳。腹脹頭大。四肢瘦小。好喫泥土。可思妳食。愛咬指甲。時擣眉毛。頭髮稀疎。肚上青筋。及久患瀉痢。並用米飲下二丸。如久患疳蛔。咬心發歇疼痛。並以苦練子煎湯下二丸。如鼻下赤爛。口齒疳蟲。并口瘡等。用兒孩子妳汁研二丸。塗在患處。疳眼雀目。用白羊子肝一枚。以竹刀子批開。入藥二丸。在內。以麻縷纏定。用淘米泔煮熟。空心食之。仍令乳母常忌毒魚大蒜。鷄鴨猪肉等。

熊膽用溫水化入藥 蘆會研 膩粉同水銀研

朱砂研飛各一兩 麝香研半分 龍腦研

蟾酥乾者酒浸一宿 鉛霜研各一字 雄黃研飛

青黛研 胡黃連各半兩 白附子炮二錢 水銀一錢 與膩粉

同研不見光星

右為末。入研藥勻。用熬過獷猪膽汁浸。蒸餅為丸。如黃米大。湯使如前。此藥退驚治風。化蟲殺疳。除百病。進乳食。若隔三兩日進一服。永無百病。不染橫天之疾。凡有患與服必功效。

譚氏殊聖方辰砂膏治小兒驚風手足動搖精神不爽一切驚邪狂叫不寧

辰砂通明有墻壁者研極細一兩

酸棗仁微炒為末

乳香光瑩者細研各半兩

右同研成膏每服兩大豆許煎人參湯化下不以時候

青黛丸治小兒驚風化痰

青黛一錢 巴豆五粒去皮心紙內去盡油龍腦三錢

水銀一豆大 黑鉛少許同結砂子 朱砂

膩粉各一分 硫黃半錢細研

右研為末用粟米飯為丸如黍米大三歲已上五丸三歲已下三丸

金銀薄荷湯下

茅先生鎮心丸治小兒諸驚

朱砂別研 白附子 白殭蠶酒洗 蟬蛻去翅足淨洗秤

伏神去皮各半兩 全蝎一分去尾丁片腦

麝香各隨意所入

右件為末拌合薄荷自然汁為丸。大用銀朱拌腦麝為衣每服一丸用金銀薄荷湯磨下

嬰孺方龍角丸治小兒五驚及身熱

龍角聖惠方用龍骨 遠志 牡蠣煅赤

大黃各二分 黃芩四分

右為末蜜丸二歲兒小豆大五丸日再一歲麻子大成癩者入牛黃

一分

生金湯治小兒生七日後忽患口鼻青微驚胃中冷視物高

生金黑豆大十粒無生用熟 茯神 乾薑各一分

甘草二分炙

右四味水一升煮五合一服一棗大日五夜三

十二味人參湯治少小驚手足動搖每物驚周身及面目皆青已如故休

作往來

人參 當歸 甘草炙 桂心各二分

黃芩 龍骨各四分 蛇蛻皮一寸炙 雌黃六銖

蜣螂七箇炙自死者 桑螵蛸 雀甕各五箇炙

露蜂房一箇炙

右水五升煮取一升去滓服若擣下篩服半方寸匕不吐下肉牛黃

兒不能服。以乳汁和丸。日四五服。
黃耆湯。治少小七日以後。患驚吐。眼眼中突。

黃耆

芍藥

芎

黃芩

當歸各一分

細辛半分

右六味水八合。煮取三合。用牛黃一小豆大。分為四服。若生二七日。已上熱多者。加一分。生三七日。而胃上惡聚唾。口青熱甚者。加黃芩。黃耆各三分。益水二合。煮四合。一歲已上。恣意增水藥服之。

治少小生下便喜驚方

右剪父母指甲燒作灰。并花水調一麻子大。日進三服。夜一。亦治客忤。

黃芩湯。治小兒溫壯。服細辛湯得下後熱不差。口中瘡兼驚。已上十九方。並載切切新書。

黃芩五錢

釣藤三分

蛇蛻皮一寸。炙甘草二分。炙

芒消一分

大黃四兩

牛黃大豆大三粒。湯成內之。

右以水二升二合。煮一升二合。去滓下硝。分為三服。

錢乙小兒方涼驚丸

鵬砂各一錢。研粉霜一錢。研

輕粉一錢

鐵粉三錢。研

郁李仁。去皮。焙。秤為末。

白牽牛末各一錢。好臘茶三錢。

右同為細末。熬梨汁為膏。丸菴豆大。龍腦水化下。一九至三九。亦名梨汁餅子。及治大人風涎。並食後一本無白牽牛末。

辰砂丸。治驚風涎盛。潮作。及胃熱吐逆不止。

辰砂別研

水銀砂子各一分

牛黃

龍腦

麝香各半錢。別研

生犀末

天麻

白殭蠶酒炒

蟬殼去土頭足

乾蝎去毒炒

麻黃去節

天南星湯浸七次。切焙乾。各一分。

右同為末。再研勻。熟蜜丸菴豆大。朱砂為衣。每服一二九。或五七九。食後服之。煎薄荷湯送下。

剪刀股丸。治小兒一切驚風。久經宣利。虛而生驚者。

朱砂一分

牛黃

腦子各一字

麝香半錢

天竺黃一分。研地黃半兩。燒赤。醋淬三五遍。水研飛。

白殭蠶去頭足一分。炒

蝎去毒炒一分。乾蟾去四足并脚。

洗炙焦黃為末。蟬殼去頭足一分。一作去翅。

五靈脂一分去黃者為末用

右為末共二兩四錢東流水煮白麵糊丸桐子大每服一丸剪刀鏢頭研破食後薄荷湯下如慢驚即去龍腦

張漢醫方妙選琥珀丹安心神鎮一切驚邪

琥珀 南星 臘月牛膽曬者

朱砂 細研水飛各一兩 白僵蠶 天麻 白附子

白芷 各半兩為細末 龍腦 一錢研

右件同拌勻研細煉蜜和丸如鷄頭大每服一粒煎人參薄荷湯化下

鳳髓經鎮心丸治小兒驚風心神恍惚精神不定渾身掣擲手足痠癢喉內涎響

木豬苓 人參 茯苓 朱砂

真珠末各一錢 石菖蒲末二錢 金銀薄各三片 水銀砂一錢半

片腦 麝香各少許

右為末湯浸蒸餅心為丸如此。大每服七九十九至十五丸遠志薄荷湯下

惠眼觀證大驚丸治驚氣狂躁及涎牽響一切驚疾

白附子二錢 朱砂一錢研 片腦 麝香各半字

白僵蠶半兩與附子並用麥麩炒麩黃赤去麩不用

金銀薄各五片

右分出一半朱砂入前二味同金銀薄研勻入麵糊為丸如此。大

將所留出來朱砂為衣。一丸分作兩服蜂糖薄荷熟水磨下如大段

驚疾發作一丸只作一服

虎眼丸鎮心化涎夜臥不穩夢中驚叫或多虛汗並宜服之

朱砂 白僵蠶 天南星 生各一分

右為末麵糊為丸如此。大每服五丸至七丸薄荷湯吞下

大黃散治驚風貼顛

大黃 芍藥 各等分

右為末豬膽汁調貼之

保生論乳香散治小兒驚風涎溢悶絕暴死宜用亦不吐出涎只此壓

甘遂 乳香 各末一錢匕

右為細末每服半錢或一字童子小便下妙

弄舌散治小兒驚弄舌瀉黃散亦治

蛇皮一分炙 牛黃
右為末。每服一字。薄荷湯調下

朱砂各一錢 麝香一字

劉氏家傳睡驚丸。治小兒一切驚

使君子五箇燈上燒成灰

金薄五片一方十片

銀薄三片一方十片 片腦 麝香各少許一方
各半錢 膩粉約用抄半錢一方抄二錢 香京墨似棗尖大

右研如粉生麵糊丸豌豆大。每服一九。溫熱水化破下。一方薄荷水下。或隔上有涎即吐出。腹中有積滯即瀉出。如蝦蟇青苔之類。大段驚風一切不須三服必效。如小兒有疾即灌。良久便睡。如驚常服。一九分兩服。小兒則間日可服半丸極妙

朱砂散治小兒驚熱和氣

朱砂 白茯苓 人參 山藥 各等分

甘草減半半生半熟

右末之驚金銀薄荷湯下。和氣米飲下。熱竹茹煎湯下。量大小下一字或半錢或三字

治驚和氣止瀉痢

龍膽末 防風末 青黛研三錢匕 鈞藤末二錢匕

牛黃 麝香各一字匕 黃連末五分匕 龍腦一錢匕研

右同研麵糊為丸粟米大。每服三五丸。至一二十丸。煎金銀湯送下溫服

粉紅丸。又名溫驚丸

天南星為末入樽月釀牛膽中百日陰乾。取末四兩別研。如無釀

者只取生者。剉炒熟用 朱砂一錢半研 天竺黃一兩研

坯子胭脂一錢研乃紫胭脂 龍腦五錢別研一本作半字

右用牛膽汁和丸雞頭大。每服一九。小者半丸。沙糖溫水化下塗顛法

麝香一字匕 蝎尾去毒為末半錢匕一作半字匕

薄荷葉半字匕 蜈蚣末 牛黃末 青黛末各一字匕

右同研白熟棗肉割為膏。新綿上塗勻貼顛上。四方可出一指許。火上炙手頻熨。百日裏外兒。可用此塗浴法

浴體法

天麻末二錢 蝎尾去毒為末 朱砂各半錢匕 烏蛇肉酒浸焙為末

白礬各三錢七麝香一字七青黛三錢七
右同研勻。每用三錢。水三椀。桃枝一握。并葉五七枝。同煎至十沸。溫熱浴之。勿浴背。
利驚丸

輕粉一錢 天竺黃二錢 青黛一錢 黑牽牛末半兩生
右同研勻。蜜為丸。豌豆大。一歲一丸。溫薄荷水下。食後服。

枯瓢湯

枯瓢根末二錢 白甘遂末一錢

宣風散 右同於慢火上炒焦黃。研勻。每服一字。煎麝香薄荷湯調下。無時。

檳榔二箇 橘皮

甘草各半兩

牽牛四兩半生用半炒

右為末。三二歲蜜湯調下半錢。已上一錢。食前服。海藏云。與通膈散相上下通氣血也。

銀砂丸。治涎盛。膈熱。實痰。嗽驚。風積。潮熱。

水銀結砂子三皂子大

辰砂二錢研

蝎尾去毒為末

白朮一錢。切薄片。子蜜貼。塗紙。視銚。慢火炒。甘草半錢。半生半熟。

蝎兩箇。全用龍腦。薄荷葉裏。繫定。竹夾炙。候薄荷焦去之。只用蝎。

如無薄荷。用乾者同炒。令焦用。

右末之。驚金銀薄荷湯下。和氣止瀉痢米湯飲下。

睡驚丸。治小兒驚。渾身壯熱。但染着驚。便與服。

粉霜

京墨燒過

蘆會各半盞

巴豆二粒去油

天南星一錢。湯浸去皮。臍。

使君子四箇。去尖。麩炒黃。

右入腦麝少許。滴水丸。梧子大一歲半丸。量兒大小。金銀薄荷湯化。

下三歲已上一丸。

吐痰涎方。治驚風。上吐下瀉。

朱砂二錢

麝香少許

蝎一箇

右先碾蝎為末。後研朱麝極細。每服半字。茶下。或妳下亦得。

小兒童子一百二十般雜驚。

天南星

青黛並為末各挑三大錢

麝香少許

水銀一粒。赤豆大。

輕粉挑一大錢。巴豆七粒去油。

右為末一處。用煮麵糊為丸。如此。大十歲以下。至一歲以上。每服。

十九。用生葱湯吞下。早晨日午至晚連宵空心各進一服。子母皆忌生冷菓菜。炙煨淹藏花色酒肉。又云十五以下。至七歲十五九七歲以下。至周歲。十九周歲以下。至百晬。七九皆葱白湯下。乳母依前百晬以下。至滿月五九。用荊芥湯下。滿月至三朝。三九。用蜜薑汁調下。以上各空心日進三服。但是不安。看輕重加減與服。

十寶丹治睡驚

朱砂

輕粉

蘆會

京墨

寒食麵

片腦

麝香各等分

使君子比等分者一倍煨

金薄十片

右為末。以寒食麵煑糊為丸。如虎睛丸大。薄荷湯化下。臨臥後量大小與之。金薄只為衣。

瑞應丹。調理諸般驚

京墨

天南星

白附子

朱砂

雄黃各末抄一錢

金薄二片

片腦

麝香各少許

青黛末抄半錢

全蝎一箇

右為末。煑糊為丸。如此。許大。小兒豈小壯熱。金銀薄荷湯化下。微

微吐逆手足冷。喫食進退。睡中忽叫兩三聲。此乃心藏驚氣不散。金薄湯下三五丸。以時更煎人參湯下一服。或時時瀉青物。煎木瓜湯下五七丸。

起死輕骨丹。主中風癱瘓。四肢不隨。風痺等疾。及小兒驚風。

麻黃去根節秤五斤。剉以河水二石。煮之去滓成膏。

桑根白皮須土下者自採剉。白芷。蒼朮去皮。

甘松只用腿子。川芎各二兩。苦參。

右末之。衮研極細。以前麻黃膏和丸。如彈大。每服一丸。溫酒一盞。研化頓服之。臨臥取汗。五七日間再服。手足當即輕快。小兒驚風量與之。卒中涎潮。分利涎後用之。其效不可具述。

紅散子。治小兒壯熱。發驚痰壅。脚手心熱。煩躁夜啼。常服壓驚。如是天癘風。亦可常服。

川天南星二兩。以麪裹炮。麪熟為度。

桔梗

大防風

白芷

乾蝎使糯米炒焦為度。各半兩。

麝香半錢

靈沙一分

腦子一錢

甘草一兩。生熟各半。

右件擣為細末。次入麝香。腦子。靈砂。乳鉢內細研拌勻。每服一錢。食

後臨臥。銀湯點喫。

白附丸。治小兒因驚或風涎盛手足欲動之疾。張氏家傳治驚風天癇眼睛。搗掣手脚名真珠膏。又治涎潮心舍。叫喚不應并夾驚傷寒驚癇。又名人參丸。

白附子 兩箇大者生用 天南星 半兩炮 全蝎 三七箇

白殭蠶 二七箇直者麩炒赤色去麩 人參 二錢

朱砂 一錢 片腦 麝香 乳香 各少許

右件為末。煉蜜作丸如此。大每服一丸。煎金銀薄荷湯化臨臥服。金薄鎮心丸。治小兒一切驚氣。夜睡不穩。喉中涎聲。夢中狂叫。精神躁悶。並宜服之。此藥不涼兼醒脾。過一百日後。四五日間服半丸甚妙。如睡不穩。便宜服之。

白附子 一分 白殭蠶 直者半兩用麩炒赤色去麩

朱砂 一錢研 片腦 麝香 各少許 金銀薄 各十片

牛黃 半錢

右件為細末。水麩糊為丸如此。大將所留朱砂一半為衣服。服一丸或半丸。煎薄荷湯化下。臨臥服。

張氏家傳睡驚丸。孩子驚風。服藥後須睡一向。然後耳驚涎立差。

白龍腦 朱砂 香墨 青黛

蘆會 各一錢重膩粉 一錢 史君子 兩箇麩裏煨為末

右件同研令細。以寒食麵作糊丸。如梧桐子大。每服一歲半丸。二歲

已上一丸。五歲已上兩丸。薄荷水化下。

琥珀丸。治驚風溫壯。欬嗽涎壅。一切驚熱。孔氏亦治邪熱。多睡驚悸。

天麻 人參 防風 甘草 半兩炙孔氏 雄黃 各二錢半二

用一兩

味孔氏各用一兩

右為細末。蜜丸。桐子大。二三歲每服一丸。薄荷湯化下。

治小兒注脣膏。常服永不生風痰。正心無驚。面多紅潤。脣臉如丹。常服無疳積諸癖疾患。

白殭蠶 一兩去頭足。直者生為末。以薑汁和為餅子。於火上炙乾。又再為末。復以汁為餅子。乾為度。

水一椀浸淘三遍。去黃色。傾紙上候乾。研子如粉細。

右同合和研勻。煉蜜為膏。入甕合子內貯。每用如鷄頭大。三歲只可。

一丸。如三歲已上。更分用之。飲湯熱水化下。
朱砂丸治小兒鎮心壓驚墜涎。

朱砂細研急水飛過。使灰池滲乾尤佳。 白殭蠶擇去絲取

直者洗過焙乾 新羅白附子以濕紙裹煨。候令紙乾取出。細切成

片子焙乾 天南星炮製去麩皮臍。切成片子。各半兩

麝香半錢研入和勻 乾蝎一兩銚子內慢火炒令極熱。

不可太過

右六味各為末。煮白麵糊為丸如粟米大。每服十九。用煎金銀薄荷湯吞下。如遇驚取。下後且以此藥服無不效。或有虛汗用麻黃根煎湯。

黑神丸治一切左癱右瘓。小兒驚風。婦人產後中風。心神恍惚。頭目昏眩。常服活血駐顏。及治傷風鼻塞頭痛。善治山嵐瘴氣。其效如神。

桔梗 麻黃去節 川芎 防風

香白芷 木賊 桂枝去皮 紅豆

縮砂仁 釜墨已上各四兩 大川烏頭湯洗去皮臍一斤

天南星灰炒黃裂為度半斤 天台烏藥 沉香

麝香一錢

右件為末。煉蜜為丸如龍眼大。每服半丸。葱白一寸同嚼。茶酒任下。不計時候。

莊氏家傳七寶散治小兒退驚化涎。

朱砂 牛犀一錢 牛黃 真珠末

片腦 麝香各一錢 金薄五片

右件藥研如粉。每服半錢。薄荷水調下。

孔氏家傳神麩餅子治小兒諸疾。丙日作麩。丁日治藥。亦名丙丁膏。

天南星 烏蛇各三錢 天麻 麻黃去節各半兩

蝎一分半 白附子三錢半 白殭蠶四錢 大附子一枚炮裂

去皮臍

右為末。水一升浸三日。布裂去滓。寒食麵一斗和勻踏作片子。用楮

葉卷七日。取出用紙袋吊起。十四日可用。治小兒吐瀉過後精神困頓。多睡不喫乳食。四肢逆冷欲變驚。以神麩四兩。龍麝少許。每服量

多少以溫水調。若已變癇哭聲如鴉。面青黃手足癱瘓。咽中不利。朱砂龍麝并麩服之。變癇滑利。即以蜜丸麩末鷄頭大。溫水化下。又麩

末一兩研入雄黃朱砂少許琥珀甘草二錢乙蜜丸雞頭大即名太
一丹治小兒百疾

王氏手集主勝丸治小兒一切驚

蜈蚣三條

飯匙兒蟲

全蝎各七箇

粉霜

朱砂

硫黃

水銀各一錢

白麵三錢

右件研細煉蜜為丸如梧桐子大每服一丸看虛實加減服

睡驚丸治大人小兒一切驚

牛黃

犀角

龍腦

鉛白霜

白附子

蝎稍

人參

茯苓

真珠末

膩粉已上各半兩

朱砂一錢

金薄

銀薄各五片

麝香一字

右件為細末湯浸蒸餅為丸如菉豆大每服二丸小兒每服一丸以

人參茯苓煎湯吞下

遠志茯神丸治小兒驚怖大啼及見非常之物干動神志恍惚不寧狂妄

驚悸眠睡不穩多汗心忪精神闇鈍寒熱咽乾手足煩熱

人參

茯神各三兩

遠志

菖蒲各二兩

右件為末二兩加桂二錢半為遠志茯神丸以白麵糊為丸菉豆大
每服十五丸食後煎荊芥湯下日三服

瑞紅散治小兒諸驚

朱砂一錢

蝎稍三十條

殭蠶二十箇直者

右為末每服一字半錢薄荷金銀湯調下逐日可常服之

吳氏家傳蛇頭丸鎮心安神治驚退風癩定搐搦化痰

花蛇頭連身長一尺酒浸一宿去骨

鉛白霜

朱砂

鐵焰粉

乳香各一分研

天麻

白附子各一分末

片腦

麝香各半錢

蛇含石二兩火煨通赤淬於蜜中令細碎搗羅為末水淘去黑汁

上取一兩再研令極細

右件為末端正陳年小半夏糊為丸如雞頭大每服半丸薄荷湯化下

天麻神砂丸治驚風

天麻

殭蠶各酒浸一宿

蝎炒

輕粉

白附子米泔浸一宿已上各等分

右為末煉蜜丸如菉豆大入朱砂麝為衣每服一丸薄荷湯下

吉氏家傳治驚風

人參

芍藥

甘草 各一錢

大黃 二錢 蒸

右為末。煉蜜丸如麻子大。每服一九。米飲下。
鉛白霜丸。鎮心驚。

鉛白霜

人參

茯苓 各半錢

麝香 少許

鎮心真珠丸。治驚風。

北寒水石 硬尖者細研如粉。以雪水浸三宿。又研。以水澄下脚為度。再研取五錢。

右為細末。傾出紙上攤一宿。收入瓷合內收。每服一字。以鷄子清為丸。仍以鷄子清磨下。大熱方可服。

聖餅子治驚

天南星 去皮生

白附子

五靈脂

全蝎 並生各半兩

蟬退 生

青黛 各一錢

麝香 半錢

右為末。用好醋一大盞煮煎成膏。入藥末拌和丸如梧桐子大。成餅子。如未滿月一餅。二歲已下二餅。看大小加減。煎金銀薄荷湯化下。

被蓋鼻上汗出方效

桃紅丸。治諸驚

石鷲 一分

鷲白糞

白附子

朱砂 各一錢

輕粉 半錢

黃連 半兩

巴豆 八粒 油煎

右為末。粟米飯為丸如此。大一歲一九。驚風薄荷湯下。驚積膩粉湯下。鞠躰蜜陀僧酒煎下。

朱砂丸治驚

朱砂

馬牙硝

甜硝

甘草 各一錢

鵬砂 半錢

片腦

麝香 各少許

右為末。煉蜜為丸如桐子大。看大小。薄荷湯化下。一九半丸。

鎮心散。治驚鎮心墜涎

半夏 十箇 大者 鵬砂

朱砂 各一錢 為末

右件半夏以刀切開中心。却將鵬砂等末納在內。用好瓦一片安半。夏却將好醋滴在鵬砂等內。久炙取乾碾爛。用粟米糊和丸如此。大每服五七丸。金銀薄荷湯下。

鎮心丸。治驚

朱砂各半兩

犀角末

升麻

大黃各半兩

右為細末。蜜為丸如棗豆大。每服三丸。薄荷水下。

分金散。治四足驚風大效。

鵬砂

馬牙硝各三錢。片腦

麝香各一字

人參

甘草炙各半兩

右為細末。每服一字。四足驚風。發動如羊眼。喉內無涎。添用腦麝。冷水下一字。

紫霜丸。治驚風

紫粉

朱砂等分

天竺黃

甘草炙

茯苓

龍腦少許

右為細末。煉蜜丸如皂子大。一歲半丸。用薄荷湯化下。

牛黃膏治驚風

雄黃

龍腦

天竺黃

甘草炙

白茯苓

鬱金

朱砂各等分

右為末。生蜜丸如皂子大。一歲一丸。看大小。薄荷湯化下。

又方

牛黃

雄黃

銀粉

朱砂各一錢

全蝎一箇

巴豆三粒

右為細末。用蒸餅心圓如此。大。每服三丸。薄荷湯下。驚叫夜啼。煎燈心石蓮心湯下。

太一歸魂散。治驚萬病

五靈脂生

木鱉肉

粉霜

朱砂已上各一分

膩粉一錢

巴豆二十五箇生

川烏取心一小塊如棗大

右細末。每服一字。蛤粉冷水調下。但是久積驚癇諸疾皆治。

朱砂膏。治一切驚風諸癇。暗風破傷。驚涎心氣不足。或久伏驚氣尸厥。發

即昏昧涎壅。及因驚亡魂失魄。舉動驚怕。夢魘或歌哭。不避新疎。狂走不

寧。中風緩弱。頑痺等疾。小兒急慢驚風悉主之。

附子重五錢半。生正緊實。一箇生去皮臍取半兩淨。不須用大者。

天南星。去皮臍取淨一箇。不得用小者。

半夏。取中形圓正

好者。湯洗七次去滑。焙乾生用。天麻。明淨好者去兩頭取中心切

琥珀。研各二錢半

全蝎一分生

赤足蜈蚣去頭尾

足炙取二寸

白殭蠶

朱砂。光明者各半兩。研如粉。

麝香一錢淨研

右為細末。入研者朱砂琥珀麝香同研勻。煉蜜放冷為膏。密器收。每患用少許。生薑自然汁化藥一皂大。次用溫酒調下。小兒生薑薄荷湯化下。豆大。看兒大小。加減服之。

天麻丸。治小兒諸驚。

全蝎炒

天南星炮去皮白殭蠶直者炒各等分

右為末。酒糊丸如大麻子大。每服一歲十丸。加至十五丸。荊芥湯下。藥性溫可以常服。永除諸風。

醉驚丸。治小兒驚。

青黛

腦子

香墨燒過各半錢

蘆會

輕粉

麝

麵各一錢

麻糖三箇或二箇

使君子二枚麵裹煨去皮切焙

右件為末。水為丸如菉豆大。每服一九。薄荷湯化破。或吞下。良久睡着。取下惡毒物。

桃花散。治小兒急慢驚風。諸般驚五心熱。

朱砂一錢

蝎稍四十九箇膩粉一錢

天竺黃

馬牙硝各一兩片腦

麝香各少許

右為末。每服半錢。用金銀薄荷湯調下。

長沙醫者丁時發傳聖棗丸。治小兒驚風痲疾。

木香

丁香

硃砂

粉霜

輕粉

乾漆

芫花

青橘皮

朱砂

巴豆霜各二錢

右為末。棗肉為丸。薄荷湯下。

茯神膏。治小兒驚風。

蝎稍

茯神各半兩

白殭蠶一兩朱砂一兩

右四味為末。用蜜為膏。每服一皂子大。煎金銀薄荷湯化下。

長沙醫者鄭愈傳神聖當歸散。治驚風痲病。咽喉有涎。四肢壯熱。大小便祕澀。兼心神亂者。

當歸

甘草

滑石

通草各一分

大黃

芍藥各二錢

右為細末。每服二錢。水一盞。生薑三片。薄荷五葉。燈心少許。同煎至五分。小兒分數服。大人作一服。

蝎梢丸治小兒驚風生涎時發壯熱手足搐動夜臥不安牙關緊急
蝎梢 朱砂飛過留一半為衣 白殭蠶各一分

天麻 芎藭 羌活 當歸洗 牛膽製

天南星 麝香已上各半兩 右為末糯米粥和丸鷄頭大朱砂為衣荆芥湯化下一丸如口已噤

先用藥擦牙
珍珠丸治小兒驚風又名白丸子

麝香二字 粉霜 膩粉各一錢

琥珀散治小兒驚風癩癧搐搦等病

琥珀 真珠末 藿香葉 天麻 生薑汁和餅子炙黃色 蝎十四箇 天南星各一分用

撫驚丸治小兒一切驚

青黛 茯神各二兩 天麻四兩 蝎半兩

迴命散治小兒驚風弔眼

蜈蚣一條赤者中分為兩處 蝎一箇中分為兩處各記左右
右二味左者與左右者與右各作兩處為末左右弔眼各將藥吹入

神僊奪命散已上五十七方並載切切新書

人中白一兩 麝香一錢 蜈蚣全者一條盆硝二兩

許叔微普濟本事方治小兒驚風

茯苓 甘草 朱砂 青黛 膩粉

治小兒驚風積熱 右各等分入麝少許每服一錢蜜水調下

全蝎七箇去毒蟬退二十一箇甘草半兩炙 天南星大者一枚 炮令香

右為末。每服半錢。水中盪。薄荷七小葉。煎至七分。溫服。
陳敏濟急捷用單方治被驚

雄鷄冠血

右件藥一二歲兒。每服用少許。滴在口中。三四歲兒。每服取一小象
蚪子許。滴在口中。一日二服

李樞小兒保生要方聖蠶丸。治小兒諸般驚風壯熱。精神恍惚。痰涎壅塞。
目睛上眦。睡臥不安。頭痛頰赤。多驚恐。肢體倦。不喜乳食。愚家世用方

白殭蠶直者微炒

天南星漿水煮五七沸

防風去蘆

半夏先洗淨用漿水煮五七沸。白附子漿水煮五

七沸

人參各一兩

藿香葉去塵半兩

右三味煮者並各令煮切焙乾。同為極細末。寒食麵為薄糊。丸如麻
子大。周歲兒每服五七丸。生薑薄荷湯下。不拘時。兩三歲兒。可
服十五丸。餘當以意加減

夏德衛生十全方治未滿月小兒驚着似中風欲死者

以好辰朱為末。新汲水調塗五心上立效

曾世榮活幼心書治風蘊邪熱驚風搐搦

赤脚蜈蚣一條酒塗炙

僵蠶七條炒

蝎七箇炒

辰砂別研

麝香

腦子各少許

青州白丸子三十粒再研細

右末水化蒸餅丸。煎金銀薄荷湯調化。重午日合尤佳。此方已錄在

前不作丸子備色用也。若欲留可依此

王璆百一選方辰砂蝎蛸膏

辰砂一錢研

全蝎五枚

白附子一錢半生用

天麻一分

青黛一錢研

麝香一字研

龍腦半錢研

天竺黃一錢研

金薄二十葉

右研勻。以生薑蜜和成膏。每服一皂子。或兩皂子大。量兒大小加減。
用生薑或薄荷湯研化下

抱龍丸。廬州陳法師家方。小兒驚藥

人參一兩

雄黃飛一兩

鬱金

白茯苓

藿香葉

甘草各二兩

山藥四兩

朱砂二兩半為衣

全蝎半兩

麝香

腦子各一錢

右為細末。煉蜜和成劑。每一兩分作六丸。朱砂為衣。十九丸用金薄一

片。小兒一丸分作四服。薄荷湯化下。

治嬰兒生下。多被惡氣息衝着成忌方。
右急取麝香一豆顆。冷水調搽之。灌之。

治小兒貓鼠驚風

雄鼠糞七箇
右用火煨出於地上。出火毒。研為末。薄荷湯調服。加麝香少許。

尤佳
治小兒牙關不開

天南星一箇煨熟

右用紙裹斜角。未要透氣。於細處剪鷄頭大一竅子。透氣於鼻孔中。

牙關立開
魏氏家藏方真珠丸。治小兒諸驚疾。

真珠末

生附片

川烏尖

蝎梢

蛇含石煨

半夏麵

右等分為細末。粟米糊為丸。如黍米大。半歲小兒每服五丸。周歲七丸。三歲十丸。加至十五丸。昏困冬瓜子煎湯下。驚搐。金銀薄荷湯下。

龍腦丸。治小兒驚風墜痰。

夜臥不安。薄荷湯下。夜啼乳香湯下。腸急五皮湯下。

鉛白霜一錢

絳礬一錢半生朱砂別研

天南星薑汁浸三日各半錢

右為細末。水浸蒸餅為丸。如梧桐子大。每服一丸。薄荷湯下。一月小兒服半丸。

鎮驚丸。治小兒驚風。

天麻

天南星炮

蟬殼

防風去蘆

朱砂別研

殭蠶直者炒去絲各一分

全蝎十四箇去毒

雄黃別研

白附子炮

麝香別研各一分

金薄

銀薄各二十片

右為細末。乳汁為丸。如梧桐子大。每服一二丸。薄荷湯下。

朱砂丸。治傷寒及小兒熱。鎮心壓驚。

黃牛膽一枚。看大小。入天麻南星末在內。懸在透風處四十九日。取

合時用朱砂三錢。麝香一錢。同南星末研細。以牛膽皮子煎湯為丸。如鷄頭大。每服五丸。用新汲水嚼下。薄荷湯亦得。

辰砂膏。壓驚化涎。理嗽利膈。退風熱。

天南星 炮熱 辰砂 各一分 別研

殭蠶 直者 炒去絲

乳香 各錢別研 蝎梢 麝香 各半錢 別研

右六味。並須製訖。秤再研和。煉蜜少許。和劑。蜜不欲多。每服量多少。

煎金銀湯。或熟水化下。乳後服之。

把搐膏。治小兒一切驚風。

藿香葉 三錢 去土 天南星 炮 白附子 炮

麻黃 去節 天麻 白殭蠶 一錢 半直者 炒去絲

蝎梢 十箇 去毒 片腦 麝香 各少許 蜈蚣 一條

右件為末。煉蜜為丸。如鷄頭大。每服一九。葱白湯化下。

烏犀膏。治小兒傷風寒邪。諸癩驚壯熱。手足癩癢。漸成慢驚。風候痰涎壅滯。眼目上視。及胃冷。渾身壯熱。並皆治之。

川烏頭 天南星 各極大者 三箇 並燒存性 內如皂子 白星

為度用 玄參末 薄荷末 各五錢

右研細。用煉蜜為丸。如鷄頭子大。每服一九。小兒半丸。薄荷湯下。筋

力緩急。乳香葱白湯下。

羌活膏。散風熱。化痰安驚。

羌活 荆芥穗 甘草 各半兩 炙 白朮 炒

白附子 炮 白茯苓 去皮 川芎 防風 去蘆

朱砂 一半 入藥 一半 為衣 各二錢 桔梗 去蘆頭 洗半兩

右為細末。煉蜜為丸。如鷄頭大。每服一九。至兩丸。同薄荷荆芥煎湯

化下。

注唇膏。小兒常服。永不生風痰。證心無驚。面多紅潤。唇臉如丹。常服無疳積。諸癖疾患。

白殭蠶 一兩 去頭足 絲直者 生為末 以薑汁和為餅子 於火上炙

乾。又再為末。復以汁為餅子。乾為度。朱砂 二錢 細研。用

水一碗。浸淘三遍。去黃色。傾紙上。候乾。研如粉。細

右同合和研。煉蜜為膏。入瓷合子內貯。每用如鷄頭大。三歲只可一

丸。如三歲已上。更分用之。飲湯熟水化下。

烏蛇散。專治一切驚風。癇角弓反張。潮搐甚者。及心肺中風。宜煎服之。

烏蛇梢 一兩 生用 白附子 炮 半夏 湯炮七次 各

一分 天麻 白殭蠶 直者 炒去絲

人參去蘆 石菖蒲一寸九節 川附子一枚重半兩
兩微炮去皮臍 全蝎去毒 羌活各半兩

右件搗羅為末。每服二錢水兩盞。入生薑十片。薄荷五葉同煎至一盞。瀘去滓。放溫時時滴入口者。

郭彌明方便集至聖保命丹。治小兒胎驚內吊。腹肚堅硬。目睛上視。手足抽掣。角弓反張。但是涎疾壅盛。一切急慢驚風。悉皆治之。初生兒每服半丸。用乳汁化下。周歲每服一丸。金銀薄荷湯下。十歲已上有急候者。每服二丸。薄荷湯化下。予謂此和劑古方。若全急驚重者。可加牛黃涼藥。若方傳慢驚。不為甚冷者。正好服此。若全慢驚脾冷者。當減朱砂麝香。添人參白朮山藥。以溫其脾也。

全蝎十箇 白附子一錢新羅者 天麻二錢

朱砂一錢研 天南星一錢炮 麝香一錢 蟬退一錢去土

白殭蠶一錢直青者 金薄十片 防風二錢重去蘆

不用又者

右為細末。入研藥和勻。以粳米煑飯取心中軟者。杵和為丸。每兩分作四十九丸常服。鎮心安神。化痰涎。除一切驚風證候。

永樂大典卷之九百七十五

永樂大典卷之九百七十六

二支

兒

小兒證治九

小兒驚候

方

陳自明管見良方鎮心至寶丹治小兒一切驚風搐搦壯熱涎多魚口鴉聲眼睛直視

天南星

雄黃研

白附子炮

乾蝎各半錢

神砂研

川蔚金

白殭蠶各一錢

滑石

膩粉各二錢

龍腦一字

麝香一字

右為細末煉蜜丸如皂子大金銀薄為衣每服一丸食後臨臥薄荷

湯下常服鎮心神涼咽膈

大驚丸治驚風諸癇壯熱昏憤神志恍惚痰涎壅塞或發搐搦目睛直視並皆治之

青礞石

研一錢

雄黃

研飛一錢半

鐵粉二錢半

朱砂

研飛三分

蝦蟆灰一錢半。蛇黃醋淬九次。飛研二錢。
右研勻。以水浸蒸餅為丸。如梧桐子大。每服一丸。煎薄荷水磨剪刀
股化下。日二三服。此藥治驚化涎。不用銀粉。小兒臟腑。口齒。腸胃柔
弱。凡用銀粉藥。切須慎之。則無他苦。

楊仁齋直指方驚風證全蝎散。治小兒驚風不語。通竅豁痰。大人通用。
全蝎七枚。各用紫蘇葉包塗。蜜炙。重包。又塗蜜炙。

右細末。每服一字。薑汁入蜜搜和含化。
羌活膏。治小兒驚風痰涎。

天麻 赤茯苓 各半兩 羌活 防風 各二錢半
人參 全蝎 朱砂 研 明礪黃

水銀各一錢
右礪黃水銀同研如泥。次以七味末。夾和煉蜜丸。皂子大。每一粒薄

荷湯調下
來復丹。治小兒驚風。方見暑門。

至寶丸。治小兒驚風痰熱。
螺青半兩 京墨四錢 巴豆去油一錢 輕粉

北五靈脂二錢半 麝一字 腦各半錢

飛白麵三錢 使君子十四箇連殼煨取肉

右末并水搜丸。桐子大。每一丸水研下。
消驚丸。治諸驚。
人參 天麻 茯苓 朱砂
全蝎 焙 直僵蠶 炒 羚羊角 犀角 各一錢

牛膽釀南星四錢 麝少許

右為末。煉蜜丸。梧桐子大。每服一丸。菖蒲煎湯調下。
壓驚丸。治諸驚。虛惕。定心鎮痰。所謂重可去怯之劑。

紫石英 代赭石 蛇黃 各燒紅。末醋淬。凡煨石藥。以
裂為度。不拘遍。次研十分細。鐵粉篩過。淨者各二錢

朱砂 龍齒 白附 焙 遠志肉 薑汁浸炒
各一錢

右為末。研極細。稀麩糊丸。桐子大。每服一丸。金銀煎湯調下。
安驚丸。治諸驚。風癇。或犬聲異物驚。忤打墜。不省人事。並主之。

遠志肉 薑汁浸焙 淨鐵粉 朱砂

人參 茯神各半兩 全蝎二十一箇焙 白附子裹炮二錢半

南星 中者一箇薑汁浸一宿切細焙 麝半錢

花蛇頭 酒浸肉焙

右為末。煉蜜為膏。桐子大。每服一丸。菖蒲燈心煎湯調下。建陽劉叅議方

參砂膏。通心氣。除膈熱。去痰壅。

朱砂 人參 南星炮 茯神

遠志肉薑汁浸焙 天麻 白附子

僵蠶炒等分 鵬砂半焙 麝少許

定心丸。溫驚用此。右為末。煉蜜為膏。桐子大。金薄衣。每一丸。麥門冬湯調下。

茯神 白附子炮 南星炮各三錢 人參

遠志肉薑製炒 蝎梢各一錢半 乳香三字 直僵蠶十四箇炒

右為末。牛膽汁丸。桐子大。每一丸。金銀煎湯調下。

神聖丸。治驚風痰盛。搐搦。口眼牽引。

烏蛇肉 米醋浸炙 直僵蠶炒 防風 天麻

南星 牛膽製各半兩 五靈脂 代赭石 煨醋淬各

貳錢半 全蝎焙 朱砂各一錢

右為末。粟米糊丸。桐子大。每服一丸。急驚荆芥調下。慢驚用生薑湯

南星醒神散。治驚風痰熱。

天南星 不去皮切片 生薑切片

右用竹箬一條。以南星并薑相間。挿定。次用輕粉些子。摻入南星生

薑片間。風乾為末。每服一字。薄荷紫蘇泡湯調下。大人服半錢。或吐

或汗或下。即病氣出也。

乳麝丸。治驚風掣癇反折。

赤蜈蚣 全者一條去腎足酒浸焙 花蛇肉 酒浸炙

直僵蠶 生各貳錢 南星炮三錢 朱砂

蝎梢各一錢 乳香半錢 麝一字

右為末。飛白麪糊丸。桐子大。每一丸。金銀煎湯泡薄荷調下。莆陽

趙公施此。多所全活。

太一萬金丹。治驚風痰熱。

代赭石 煨醋淬 全蝎焙 朱砂 琥珀各一錢

南星 濕紙煨 白附子 生 防風 烏蛇肉 酒浸炙

天麻 各一錢 麝 一字

右為末。粟米糊丸。桐子大。每服一九。急驚薄荷湯調下。初傳慢驚尚有陽證。用人參湯。

通關定驚證治開關散

赤蜈蚣 一條炙 直僵蠶

南星 炮各一錢 麝香 一字

猪牙皂角 二錠 畧燒存性

右為末。以手點薑汁蘸藥少許擦牙。或用物引滴入藥兩三點。涎出自開。

開牙散

華陰細辛

南星

朴消 各一錢

麝 半錢

蝎梢 五條

右為末。以少許用烏梅肉揉和擦牙。兼用細辛皂角荆芥末吹入鼻中。

嚏驚散

半夏 生一錢

皂角 半錢

右為末。每一豆許。用管子吹入鼻立惺。

開關聖散

赤蜈蚣 一條中分為兩片各用葱汁浸一宿焙乾

全蝎 一箇亦中分為兩片各記左右以二味記左右作兩處

右各為末。左眼翻左手搗。以左藥末搗入左鼻孔。右眼翻右手搗。以右藥末搗入右鼻孔。雙眼翻雙手搗兼用之。

截風定搐治法

人參羌活散。散風邪除風熱。初作急風。每服三字。輕者紫蘇薄荷湯調下。搐掣緊急者。去節麻黃煎湯調下。或惺惺散加荆芥防風亦可。常用免得遽施腦麝。方見瘡疹門。

截風丸治驚風痰搐

天麻

直僵蠶 炒

南星 炮各二錢 麝 少許

赤蜈蚣 大者一條酒浸炙

白附子 炮

防風

朱砂

全蝎 焙各一錢

右為末。煉蜜丸。桐子大。每服一九。薄荷湯下一字散。截風定搐。

全蝎 褐色者是一箇

赤蜈蚣 一條並新瓦焙

朱砂 半錢

腦

麝 少許

陽癇散。治驚風搐痰熱。
右為末。每服一字。薄荷湯調下。先以些少用管子吹入鼻中。自然通竅。

朱砂

蘆會

白附子 生各一錢

麝少許

輕粉 一字

胡黃連 二錢

蝎尾 十四箇

直僵蠶 十箇

赤蜈蚣 一條 灸金薄 十片

右為末。每服一字。薄荷荆芥泡湯調下。如口不開。先吹入鼻中。

擒風湯。治急風定搐。

白附

僵蠶

全蝎 各焙一錢 川薑黃

赤蜈蚣

一箇去足酒研。生葱生薄荷浸一宿焙乾。

南星 炮

麻黃 去節

羌活 各一錢

牙消 半錢

右為末。每服一字。薄荷湯調下。

定搐散。治急風定搐。

赤蜈蚣

大者一條酒浸炙

麻黃 去節

南星 炮

白附子

直僵蠶 炒

羌活

代赭石

煨醋淬七次

蝎梢

川薑黃 各二錢 麝半錢

朱砂 一錢

右為末。每服一字。荆芥紫蘇煎湯調下。如搐不止。加烏蛇肉。

瀉青丸。治竄視發搐痰熱。

龍膽草 焙

梔子仁

大黃 濕紙煨

羌活

防風 各一錢

川芎 一錢半

右為末。煉蜜丸。桐子大。每服一九。煎薄荷湯調下。

治驚輕下法。定命丹。治急驚天癇撮口通利痰熱。

全蝎 七箇

天麻

南星 炮

白附 各二錢半

朱砂

青黛 各一錢半 輕粉

麝 各半錢

腦 一字

右為末。粟米糊丸。菉豆大。每服一九。煎薄荷湯調下。先研半丸吹

入鼻中。

利驚丸。利驚下痰消熱。

龍膽草

防風

青黛

蘆會

南星 炮

釣藤 各二錢

牙硝

鐵粉 各一錢

腦

麝 少許

右為末。麩糊圓。麻子大。每服二圓。煎金銀湯下。

防風湯。治風熱痰壅。大便不通。

羌活

防風

枳實 各半兩

川芎

甘草炒
右剉末。每服三字。薑棗煎服
宣風散。疎導風熱

鷄心檳榔 二箇
甘草
牽牛 二兩半 生用 半炒熟

橘紅 各半兩

右為末。每服半錢。蜜湯調下
枳殼散。小兒虛中壅實。以此導之

小柴胡湯。加枳殼防風。最能利風熱。解血熱。免得用銀粉。已
上治驚輕下法通五方

治驚稍重下法 揭風湯利下痰熱

青黛

蘆會

全蝎 各一分

南星 半兩為末。水

調作餅包裏前項全蝎。煨令赤色

朱砂 一錢半

牙硝

輕粉 各三字

右為末。每服一字。煎金銀薄荷湯調下
朱砂膏。治驚風痰盛

朱砂

馬牙硝 二錢

川靈脂

蘆會 各一錢半

麝香 半錢

龍腦 一字

右研細。甘草膏為丸。菴豆大。金薄衣。每服一九。薄荷湯調下
疎風散。治驚風痰熱俱盛

檳榔

陳皮 各二錢

牽牛

大黃 各三錢 濕紙裹煨

右為末。每服半錢。生蜜調下

小柴胡湯。最利熱實。方見發症門。加大黃少許。已上治驚稍重下法通四方
治驚重下法 青金丸 治風痰壅盛

巴霜 已豆去油淨盡如霜者一字 青黛

南星 炮 各一錢

輕粉 半分

滑石 二錢

全蝎 一錢 焙

右為末。稀麪糊丸。麻子大。每服一九。薄荷湯點茶清送下
天麻丸。利驚下痰。凡釣腸鎖肚撮口可通用

南星 炮 二錢

白附子 炮

牙硝

天麻

川靈脂

全蝎 焙 各一錢 輕粉 半錢

巴霜 一字

右為末。稀麪糊丸。麻子大。每服一九。薄荷薑錢泡湯送下
蘆會散。治驚風痰盛發搐

全蝎 五箇焙

巴霜 一字

輕粉 半錢

蘆會

南星 炮

朱砂 各一錢

川鬱金 一分 皂角水 煮焙乾

龍腦

麝香 各一字

右為末。每服一字。煎金銀薄荷湯調下

牛黃涼膈丸。治熱盛涎潮

馬牙硝

寒水石 煨

硬石膏

甘草 各半兩

牛膽南星 二錢半

紫石英 一錢

牛黃

龍腦

麝香 各半錢

右為末。甘草膏為丸。菴豆大。每服一九。橘皮湯調下

青金丹。疎風利痰

蘆會

牙硝

青黛 各一錢

使君子 三箇

南鵬砂

輕粉 半錢

蝎梢 十四箇

右為末。用香墨水。九麻子大。每服一九。薄荷泡湯下

王監京墨丸。治痰熱驚積

青黛

使君子 焙熟

蘆會

牛膽南星

川墨 各二錢

膩粉

麝香 半錢

龍腦 一字

右為末。飛白麩糊丸。桐子大。每服一九。薄荷湯調下。楚州王監賣此

藥著名。大利痰熱驚積疳積。已上治驚重下法。通六方

和胃助氣治法。生氣散。諸風疏利。後以此調氣

丁香 三字

白朮

青皮 各二錢

甘草 微炙

木香

人參 一錢

右為末。每服半錢。沸湯點服。或用和劑方調氣散亦得

銀白散。助胃祛風嘔吐。作慢驚者通用

石蓮肉

白扁豆 製

茯苓 各一分

人參

天麻

白附 炮

全蝎 炒

木香

甘草 炒

藿香 半分

陳米 炒香 三錢

右為末。每服一錢。薑錢一片。入冬瓜子仁七粒。同煎。或用陳米飲調下

茯苓二陳湯。和胃助氣。加蓮子肉。石菖蒲。用薑棗煎

異功散。溫中正氣。吐瀉不食用此

人參

茯苓

白朮

甘草 炒

橘紅

木香 各等分

右為末。每服三字。薑棗煎服

天麻蘇合香丸 天麻防風丸蘇合香丸等分薑棗煎湯調下
參苓白朮散用酸棗仁石菖蒲煎湯調下

和中散和胃氣止吐瀉

茯苓

石蓮肉各一分 藿香

人參

天麻

白扁豆製

木香

白朮

甘草炒各半分

右剉散每服三字煎服

腥脾散二方并王氏惺惺散見初傳慢驚門皆和胃助氣已上驚風後和

胃助氣治法通七方

定志凝神治法 定志丸驚風已退神志未定以此調之

琥珀

茯神

遠志薑製焙

人參

白附子炮

天麻

天門冬

酸棗仁

甘草炙等分

右為末煉蜜丸皂子大朱砂為衣每服一九燈心薄荷湯調下

百枝膏安心寧神

人參

防風

天麻

茯神各秤一錢半

白附子

酸棗仁

琥珀

石菖蒲各一錢

麝香少許

右為末煉蜜丸皂子大麥門冬湯調下一九已上驚風後定志凝神

治法通二方

黎民壽簡易方錢氏抱龍丸理一切驚風潮搐傷風溫疫身熱昏睡氣粗
風熱痰實壅嗽中暑沐浴後並宜進此壯實小兒宜時服

南星四兩臘月酸米醋浸陰乾百日如無只以生者去皮剉剉炒

熟用

辰砂別研

麝香別研各半兩

雄黃水飛一分天竺黃一兩

右末煮甘草水和丸指頭大每服一九溫水化下百晷內者作三四

服或用臘雪水煮甘草和藥尤佳

衛生家寶保壽膏治小兒心神不安多驚夜啼常服鎮心截風

獨活二錢

人參二錢

羌活一分

藿香葉半兩

全蝎一分去毒防風一分

天麻一分

川芎二錢

硃砂二錢別研

右為末入朱砂和勻煉蜜丸皂子大每服一粒金銀薄荷湯化下更

自量兒大小增減
牛黃膏常服鎮心化驚涎

鬱金一錢

天南星一錢

粉霜一錢

巴豆七粒連殼

右四味一處為末。麪糊丸如芥子大。每服周歲四粒。薄荷湯下。日二服。食後臨臥服。凡小兒驚涎未可與巴豆粉霜等藥。恐虛却脾轉不好治。且宜服惺惺散。涎積不退。却進此藥。

防附湯治小兒驚風及一切頭風

防風一分

僵蠶一分炮

白附子一分炮 川芎一分

荆芥一分

雄黃一錢

全蝎七箇瓦上焙乾

朱砂一錢

麝香少許

右為細末。每服半錢。用茶清調下。小兒驚風。用冬瓜子湯下。日兩服。育嬰丸。治小兒驚風。

京墨末。不以多少入雞冠血。拌和為丸。如菉豆大。用生薑薄荷湯吞下。每服二三丸。不計時候。

牛黃保勝丸。治小兒驚癇眾疾。身熱急驚不可服。

天麻一兩明亮者

白附子一兩米泔浸一宿

丁香一分

南木香半兩

牛黃半兩

黃耆一兩

地榆

半兩洗淨 麝香一兩

犀角末一分

大附子一兩。生薑

半兩。不蛀棗子二箇。水一大椀。慢火用煎。附子水盡去皮切。右件為末。煉蜜為丸。如梧桐子大。每服一粒。用薄荷湯化下。

蜈蚣蝎梢散。治小兒驚風。

蜈蚣一條炙去頭足

全蝎七箇

朱砂一字

麝香一字

右為末。每服半錢。薄荷湯調下。

烏蛇散。治小兒驚癇并急慢。

烏蛇三寸炙去皮骨

鼠糞新者五十粒 皂角一錠 不蛀者

右用新瓦上煨存性。入麝香少許為末。金銀湯調服少許。睡紅散。治小兒一切風癇。急驚潮搐。上視涎盛。並宜服。如吐瀉後成驚。手足冷者不可服。

烏蛇項下七寸用酒浸一宿去皮骨炙黃色一錢

青黛二錢

蝎梢一十箇炒 牛黃半錢

麝香一字

鵬砂半錢

水銀砂子半錢 金薄十片

烏蛇尾酒浸一宿

去皮膚炙黃色。用一分
蛇黃 火內燒全紅醋淬。如此三度 真珠末半錢

右件牛黃麝香鵬砂金薄先研極勻。次入水銀砂子再研。將餘藥搗羅為末。作一處研勻。每服小兒三歲半錢。以意加減。金銀薄荷湯下。如一服搗定。即使用調胃氣藥服之。
天竺黃丸。治小兒驚風

天竺黃二錢 蛇肉一分酒浸拆肉如有花蛇肉更妙
全蝎一分略炒 金薄十片 人參一分 鐵粉一分

朱砂二錢 牛黃一錢最要真正者 蜈蚣二條赤足者
略炙 腦子半字 麝香一字 天麻一分

右為末。用酒煮天麻糊為丸。如蘿蔔子大。臨臥用薄荷湯下。或十粒。或十五粒。神效。如涎盛不能吞丸子。即用薄荷湯化開服之。

藿半散。治驚風涎潮搐搦。大人亦可服。去涎去風。

半夏二兩 厚朴二兩

右二味。用漿水一斗。煮一伏時。去厚朴。只用半夏為細末。入真生腦子少許和藥。周歲半錢。臘茶清調下。日二服。久服不妨。不是風候不

入腦

羌活膏治驚

羌活一錢 五靈脂一錢 荆芥穗末一錢 青黛一錢

蟬殼一錢 龍腦薄荷一錢 白僵蠶一錢 茯苓一錢

輕粉半錢 天南星半錢 灰炒赤色

右一處為末。煉蜜為膏。每周歲一楊梅核大。薄荷湯化下。日三服與牛黃散相間服。

牛黃散。治驚風搐搦。心經伏涎。不作聲。悶絕。身體強直。

雄黃一錢研極細 地龍半錢布裹槌去土。新瓦上焙乾

右二味一處為末。每服周歲半錢。已下薄荷酒調下。服一捻。金。再作可進此藥。日二服。不可多服。要快用細赤地龍一條。和酒研如糊。

惺惺散。醒脾主胃氣退驚涎潮熱。并傷風咳嗽。或傷物吐逆多困。及驚風曾經吐利再發者。

天南星一兩半兩生。半兩用灰炒黃赤 冬瓜子半兩。或與

天南星等分亦得 人參半兩

右三味一處為末。周歲兒每藥一大錢。水一大盞。生薑二片。棗一箇。

同煎。只存二分許。却分作三次與服。看兒大小加減。食前服之。
聖蠶丸。治小兒胃虛生風。壯熱精神恍惚。痰涎壅塞。目睛上視。睡臥不安。
頭痛頰赤。多驚恐肢體倦。不思乳食。

白僵蠶微炒 防風去蘆

天南星漿水煮五七沸

半夏先洗淨用漿水煮五七沸 白附子漿水煮五七次

人參各一兩 藿香半兩去塵土

右為細末。用麩打薄糊為丸。如麻子大。周歲兒每服五七丸。用生薑薄荷湯下。不拘時候。兩三歲兒可服十五丸。餘當以意加減。

保童丸。治小兒驚風諸癩。

天南星一箇重一兩為末。用薄荷搗汁作餅子陰乾

遠志一兩去心 全蝎一錢

天麻三錢半

石蓮心一錢

甘草二錢生用 茯神一錢

朱砂一錢

麝香半錢

右件為末。入猪心內血七箇。研在衆藥內。以山藥打糊為丸。如鷄頭大。朱砂麝香為衣。每服一粒。金銀薄荷湯化下。

全蝎散。治小兒驚風。

全蝎七箇。用生薄荷麻黃不拘多少。外以線纏縛定。再用半夏末

少許。生薑自然汁同浸少時。向火上炙。如乾。又入薑汁內浸。再炙。以薑汁盡為度。焙乾為末。却入後藥。

附子尖三箇

麝香一字

真腦子一字

右為細末。同前藥拌勻。煎金銀薄荷調服。小兒半錢。量歲數虛實增。

減服之。

銀白散。治小兒驚風。

白朮一兩細剉。以一合菜豆炒香去豆

乾山藥一兩

白附子半錢。文武火上炮令黃。地上去火毒

人參一兩

直僵蠶一分洗去灰微炒勿令焦

白茯苓一兩半

木香一分濕紙裏煨

黃耆一兩

白扁豆一兩微炒黃

川升麻一分洗過生焙乾

糯米半兩炒黃

天麻半兩剉如荅子大。麩炒黃。甘草一分剉炒令焦

藿香半兩去上生用

右為末。以好瓷罐盛。遇有患依湯使用之。常服米飲調下。小兒半錢。歲數以上加減。用。慢驚搗搗。用麝香飯飲調下。日進六服。急驚定後。用陳米飲調下。驚吐不止。陳米飲調下。天柱倒行步脚軟。濃米飲下。

夾驚傷寒發搐者。薄荷葱白湯調下。疝氣腹急多渴者。百合湯調下。赤白痢不思乳食者。生薑三片。棗五箇。陳米一合。煎飲調下。喫食不知飢飽。不長肌肉。麥蘖一把。炒薑湯調下。暴瀉紫蘇木瓜湯調下。形神脫改言不正。及大人吐瀉。藿香湯下二錢。

寶慶方 鷄舌香散。治嬰孩小兒驚風搐搦。用藥却退。再被驚着。仍要發搐。

鷄舌香一錢。焙黃者一分。用蜜炙。辰砂二錢。

五靈脂半錢。

右為末。每服嬰孩一字。二三歲半錢。三五歲一錢。糯米飲調下。不拘時候。

治小兒驚風不省。用藥無効者。

蝎梢 朱砂

右並為細末。地龍水浸取涎。和作丸子。放地龍於舊穴。煎金銀薄荷

湯下。

又方

蜈蚣 蝎梢 白附子各一錢 腦子少許

右並為細末。每用一字。薄荷水調勻。吹兩鼻內。得睡便安。

經濟小兒保命方 書利驚丸。治小兒五臟蘊積作熱。暴發驚證。手足搖動。目睛上視。腹肚壯熱。大便秘澀。乃陽之證也。

天南星 炮裂取一錢末 巴豆 去油盡取粉半分

全蝎 二枚 白附子 炮半錢 滑石 半錢

右為細末。以水滴麩為丸。如麻子大。以辰砂為衣。每服量大小加減。用薄荷湯吞下。挨下惡物痰積。用黃金散調理。

黃金散方。治驚後餘熱未退。間能驚躍緊搐。潮疾氣促。煩躁啼哭等證。

人參一錢 防風一錢 辰砂一錢 川鬱金一錢

鵬砂半錢 酸棗仁一錢 白附子半錢 炮 雄黃半錢

右逐一修製。研為細末。每服一錢匕。薄荷湯調下。

治小兒一切驚疾。不問陰陽。久近危急證候。並宜服此。大驚散。常服壓驚。鎮心。永無諸驚。

人參半兩 白茯苓二錢 白僵蠶二錢 炒 青礞石二錢 火煨

全蝎五枚 天南星二錢 炮 白附子二錢 炮 粉草二錢 炙

辰砂二錢 麝香一錢 金薄十片 銀薄十片

右逐一研為細末。却入金銀薄麝香和勻。每服一錢。以薄荷湯調下。

金薄丹砂散治一切驚候

人參一錢

白朮

甘草

茯苓各一錢

犀角

南鵬砂各一錢

牙硝

甜硝各半錢

龍腦

麝香任意使

右件十三味為末以合收之每服半錢一字用金銀麥門冬湯調下或薄荷湯亦得無病小兒三五日一服永無諸疾

肘後方救小兒一切驚歌

一分朱砂蝎一枚此方偏療小兒災那堪更用生人血急於手指

用針刺一兩滴血如無以鷄冠血代之甚麼驚風敢到來

右件以薄荷生薑汁化下

劉守真宣明論方碧雲散治小兒驚風有涎

膽礬半兩研

銅青一分研

粉霜

輕粉各一錢

右為細末每服一字薄荷湯下中風漿水下如吐多不定煎葱白湯投之立止効

劉智經驗普濟加減方青金丸治小兒驚風體熱喘大涎嗽心忪頰赤大小便不利夜臥不寧

膩粉

滑石各一兩

天南星八錢炮巴豆五十箇取霜

青黛二錢半

右為細末白麩糊丸如麻子大每服三五丸薄荷湯下至十九桃心湯下微宣取効惡證水下十五丸兒大小以意加減

韓義和烟霞聖效方銀白丹治小兒一切驚風

白僵蠶

天南星一半生一半炒各半兩全蝎

白附子各一分

麝香

粉霜

朱砂各半分

大棗二三枚蒸

右件為細末與棗泥同和成丸如黍米大每服五丸至十九薄荷湯下此藥不可多服多服者恐小兒後却生瘡腫

田氏保嬰集急取豬乳細研辰砂牛黃各少許調抹口中神効乳母服防風通聖散三劑其驚自銷

御藥院方引風湯治大人厥顛口有涎沫牽引口眼手足少小驚風瘳瘳日數十發醫所不治

大黃生

乾薑生

龍骨各四錢

桂三錢

甘草炙

牡蠣炒各一錢

凝水石生

滑石

赤石脂

白石脂

石膏

紫石英 各六錢

右為麤末。每服三錢匕。水一盞半。煎取七分清汁。食後臨臥溫服。小兒以意斟酌與服。

聚寶散。治小兒一切驚風。壯熱涎多。精神昏憤。目睛上視。手足搐搦。饒睡多驚。

朱砂 二兩

犀角屑

西琥珀

玳瑁

茯神

珍珠 各一分

南鵬砂

龍腦 各一錢

牛黃

麝香 各半錢

人參

茯苓 各三分

紫河車 二兩

甘草 生一兩

銀薄 五片 研

右為細末。煉蜜和丸。如鷄頭大。每兩作三十丸。每服半丸。煎薄荷葉

湯化下。乳後常服。安魂定魄。治驚寧神。響音聲。利咽。噤。鮮諸毒。涼上焦。療驚搐。

烏犀丸。治小兒驚風癇病。及諸風手足搐搦不定。

天南星 炮製

白附子 炮製

乾蝎 微炒

烏犀角 屑

天麻 各一分

白花蛇 半兩 酒浸去皮骨焙乾秤

已上六味為細末。以無灰酒一小盞。同入銀器內煎令稠。則入後七

味同和為丸

牛黃

麝香

膩粉

龍腦 各一分

朱砂 半兩 水飛 水銀 以棗少許研星盡一分

虎睛 一對 酒浸微炙為末

右七味都研令勻。入前膏子為丸。如麻子大。每服三丸。用竹瀝下。不拘時候。量大小以意加減。

大水銀珠丹。治小兒驚風壯熱。涎多發癇。手足搐搦。目睛上視。及風蘊痰實。心膈滿悶。嘔吐痰涎。

黑鉛 煉十遍。秤三兩。與水銀結沙。子分為小塊。同甘草十兩。水煮

半日。候冷取甘草細研

水銀

鐵粉 各三兩

朱砂 飛半兩

天南星 炮為末三分

膩粉 研一兩

右同研細。以麪糊為丸。如麻子大。每一歲兒服一丸。用薄荷蜜湯。利為度。未利再服。乳食後服。

水銀福丸子。治小兒驚風壯熱。涎甚喘急。或發搐搦。或目睛上視。及因乳哺不節。胃滿嘔逆。精神迷悶。發癇癎瘕。並宜服之。

水銀

黑鉛 各一兩 與水銀結沙子

乾蝎 全者

膩粉

鉛白霜 研

青黛 研

百草霜 研

牛黃

研各一分 香墨 燒碎

黃明膠

炙令黃燥 一錢

巴豆

一兩去皮心膜醋煮令黃

右為細末入研藥末勻以陳粟米飯和丸如菉豆大捏福每一歲兒

服一丸二歲服二丸三歲服三丸四歲已上服四丸用乾柿湯下薄

荷湯亦得更審虛實加減服利下青粘滑涎為度乳食後服不得化

破

大惺惺丸治驚疳百病及諸壞病不可具述

辰砂 研為衣

青礞石

金牙石 各錢半 雄黃 一錢

蟾灰 二錢

牛黃 二分半另研

麝香 半錢另研

龍腦 二分半另研

地黃醋泮五次三錢

右研勻細水煮蒸餅為丸朱砂為衣如菉豆大百日兒每服一丸一

歲兒每服二丸薄荷湯溫化下食後

雄黃丸治小兒諸般驚顛癩初降誕下便與乳母帶辟諸驚忤之氣

雄黃 一兩

虎頭骨 炙

猴孫頭骨 各三分炙

降真香 末

麝香

白龍腦

乳香 各一分

箋香

白膠香

鬼臼 去毛各一兩為末

大蛇頭 一枚炙

右件都研勻細用熟棗肉和丸如彈子大初降誕兒煎熱一丸次用

綠絹袋子帶一丸於身辟一切驚忤之氣

施圓端効方大青膏治小兒驚風體熱表中風寒面赤喘麤身熱且當發散皆可服之錢仲陽方

明天麻 一兩

白附子 六錢

蝎尾 二錢

朱砂 二錢

烏蛇 酒浸一分

天竺黃

麝香 各一錢

青黛 四錢為衣

右為細末生蜜為丸如櫻桃大青黛為衣每服半丸至一丸與牛黃

膏同薄荷湯化下不拘時候

牛黃膏治驚化熱涼膈鎮心除咳嗽止煩熱普濟方

甘草 生

明雄黃

牙硝 各半兩

寒水石 生二兩

鬱金 二錢

菉豆粉 一兩

片腦 二錢

一字散主驚風感風 右為細末煉蜜為丸如櫻桃大金薄為衣每服一丸薄荷水化下

麻黃

白芷

天南星 炮熟

白附子

又為末。荊芥湯下

續刊經驗良方治小兒驚疾。皆因積風熱成疾。涎驚藥多用生硃。蝎附。性烈力大。嬰兒腸胃脆弱。多不能堪。往往致害。近得一方。用遠志。去心。煎湯。隨時飲之。遠志性平和。益心去涎。設誤投之。正自無害。况有奇效。又欲投藥。不問何證。先以薄荷湯磨木香。烏藥。麝香。少許。灌之。使關節通。透。然後投藥。則藥力無不到。不然藥則不及。多致偏廢。此最利害。不可不知。

又方寒水石散。小兒之病。多因驚。則心氣不行。鬱而生涎。遂成大疾。宜常服。利小腸。去心熱。自少驚涎。亦不成疾。

寒水石 滑石 各二兩 甘草 半兩

右以水研如泔漿細。研至無聲。量兒大小。暑月冷水調下。寒月溫湯調下。被驚及心熱。坐臥不安者。服之即安。

油珠膏。補脾腎。潤心肺。治氣逆嘔吐。風痰作搐。

石亭脂 即生硫黃。選如臘色者。滑石 各半兩 附子 炮去皮臍

半夏 湯泡去皮臍 南星 湯泡去皮臍 各一錢半

右為末。每服一錢。以清蠶水半盞。滴清油一點。如錢大。抄藥在油珠下。候一時。方與乳。如痰涎壅塞。眼睛斜視。速宜服之。此二方救兒無數。

嚏驚散。治驚

半夏 生用一錢 皂角 半錢

右為末。每服少許。用管子吹入鼻中。立惺。

截風丸。治驚風痰搐

天麻 白僵蠶 炒 南星 炮 各二錢 麝香 少許

白附子 炮 防風 赤蜈蚣 大者一條 酒浸炙

朱砂 全蝎 焙 各一錢

右為末。煉蜜為丸。梧子大。每服一丸。薄荷湯化下。

劉世榮保嬰集驗名方牛黃膏。治小兒驚風。欬嗽。痰涎壅塞。咽膈不利。精神昏憤。並宜服之。

人參 去蘆 五錢 甘草 炙 五錢 蛤粉 水飛 七錢 龍腦 另研 半錢
雄黃 水飛 七錢 半 寒水石 煨 五錢 牙硝 枯 一錢
硃砂 水飛 五錢

右將人參甘草為細末。入飛研藥令勻。煉蜜為丸。每兩作三十九。每一歲兒服半丸。煎薄荷湯化。不拘時候。

孫氏仁存活法秘方 小黑膏。治傷風發搐。及慢驚脾風。鼻流清涕。

南星 三箇燒存性

川烏 三箇燒存性

玄參 四錢

大薄荷葉 四錢

右為末。煉蜜丸如龍眼大。每服一丸。煎薄荷湯化下。**蘇沈良方**與此

同。但星烏各一箇。薄荷玄參各五錢。

烏犀膏。治驚風發搐。化痰退熱。

薄荷葉 一兩

烏藥 一兩燒存性

京墨 三錢

鵬砂 三錢

麝香 一錢

朱砂 一錢

玄精石 一錢

猪牙皂角 一兩燒存性

右為末。煉蜜丸如龍眼大。每服一箇。薄荷湯化下。入梨汁一滴尤好。

九龍控心散。治驚風發熱。涎盛喉內鳴。

蜈蚣 一條酥炙

鵬砂 一錢

鉛白霜 一錢

雄黃 一錢

乳香 一錢

臘茶末 一錢

天竺黃 一錢

全蝎 一錢

麝香 一錢

右為末。研合和勻。用甕合盛。坑地上五日。每服一字至半錢。妳汁調下。急慢驚。研薄荷自然汁調下。

又方控心丸。治證如前。

天南星 一箇炮為末

乾薄荷末 一錢

大活地龍 九條

入南星末令捲涎出盡。取星末用

右用白麩少許為丸如麻子大。每服五丸。薄荷湯下。

辰砂膏。治驚風痰搐。傷風咳嗽。

半夏 一兩

南星 一兩二味用白礬水浸二十一日。一日一換。

曬乾又換浸焙乾

全蝎 十二箇炒 天麻 半兩

朱砂 二錢

右為末。蜜丸如龍眼大。每服一丸。薄荷湯化下。一字散。治驚風神困不醒。

南星 半兩炮

蟬殼 一分淨

蝎去毒一分

僵蠶去霜炒一分

右為末。入大麥麩一分。入在酸石榴皮內。鹽泥固濟燒存性。去榴皮

不用取藥研細。每服一錢湯調下。入紅酒數滴和勻服。

小黑膏。治驚風發搐。慢肺風。及鼻流清涕。方在傷風類。

防風丹治驚風神困不睡

全蝎

白附子

右為末。蜜丸如龍眼大。每一丸。用麝香荊芥湯下。

清心散

牛黃 半兩

朱砂 一錢

麝香 一錢

天竺黃

蝎梢

鈞藤 三味各半兩

右為末。新汲水調下半錢。不以時候。

真珠散治驚風發搐。化痰退熱。

朱砂 一分

真珠末 二錢

雄黃 一分

全蝎 一錢

蟬退 七箇

右為末。每服一字至半錢。煎金銀薄荷湯下。竹瀝調尤好。

紅丸子治一切驚癇化痰。

白礬 一兩 枯出火毒

半夏 一分 炮

雄黃 一錢 二分半

朱砂 一錢 二分半

右將半夏末。作生薑自然汁煮糊。丸如菉豆大。每服二十九。以痰不作為度。以一半朱砂為衣。

大驚丸治驚風諸癇。壯熱昏憤。神志恍惚。痰涎壅塞。或發搐搦。目睛直視。

青礬石 研一錢 雄黃 研飛一錢半

鐵粉 一錢半

朱砂 研飛三錢 蝦蟇灰 一錢半 蛇黃 醋淬九次 飛研二錢

右研勻。以水浸蒸餅為丸。如梧桐子大。每服一丸。煎薄荷水磨剪刀。股水下。日二三服。此藥治驚化痰涎。不用銀粉。小兒臟腑口齒腸胃柔弱。凡用銀粉藥。切須慎之。

奪命散治一切風痰潮搐。

青礬石 一兩 焰消 一兩

右同入坩鍋內。用炭火煨紅為度。令如金色。取去研為細末。治驚痰壅。上有熱如火者。薄荷自然汁入蜜些。小調微溫服之。良久其藥自裏痰墜下。隨大便過。痰涎與藥夾和。稠粘如膠。乃藥之效。却用退熱祛風截驚之藥。慢驚慢脾亦以痰涎潮上。塞閉咽喉。藥食俱不可下。醫者伎窮勢逼。以待盡而已。殊不知世有此僂方。但用此藥。以青州白圓子再研為末。煎如稀糊。入蜜調服。其涎則墜下入腹。次服治慢驚藥。其痰過時。一如前說。不動臟腑。不傷真氣。但見藥雜其稠涎。亦無冀。始知此藥之功。此藥乃治小兒驚風。一要藥。然亦可治大人風。

痰真僂藥也

治急慢驚風危極不可救。先當兩乳頭上。男左女右灸三壯。次灸顛會三壯。手足大指當甲角。以物縛兩手作一處。以艾騎縫灸。男近左邊女近右邊。半甲半肉之間。灸三壯。先脚後手。可治陰陽諸癇病。曾用起死。妙甚。妙甚。北人方。

甚北人方

曾世榮活幼心書順搐散解男右女左搐不順者

枳殼 如前製

釣藤 去鉤

荆芥

羌活

防風

甘草 六味各半兩

右件咬咀。每服二錢。水一盞。順切薑二片。煎七分。無時溫服。或入薄荷同煎。

琥珀抱龍丸

抱龍之義。抱者保也。龍者肝也。肝應東方青龍木。水生火。所謂生我者父母也。肝為母。心為子。母安則子安。况心臟神。肝藏魂。神魂既定。驚從何生。故曰抱龍丸。理小兒諸驚。四時感冒風寒。溫疫邪熱。致煩躁不安。痰嗽氣急。及瘡疹欲出發搐。並宜可投。其藥性溫平。不僭不燥。常脹祛風。化痰鎮心。解熱和脾胃。益精神。

真琥珀 天竺黃 檀香 人參 去蘆

白茯苓

枳實

粉草

水飛硃砂

去皮五味各一兩半

枳實 如前製 二味各一兩

粉草 參兩 去節 枳殼 如前製

水飛硃砂 五兩 先以磁石引去礬

屑。次用水乳鉢內納杵。取浮者飛過淨器中。澄清去上餘水。如此

法。一般精製。見硃砂盡。曬乾用。山藥 去黑皮。一斤剉作小塊。慢火

炒令熟透。候冷用。南星 一兩剉碎。用臘月雄的黃牛

膽汁。釀經一夏。金薄 百片去護紙。取見成藥一兩。同在乳鉢內極

細杵。仍和勻。前藥末用。

右前十二味。除硃砂金薄不入碾內。餘十味檀香不過火。外九味或

曬或焙。同研為末。仍和勻。硃砂金薄每一兩重。取新汲水一兩重。入

乳鉢內略杵勻。隨手凡此樣。大一粒。陰乾晴霽略曬。日色燥甚。則

拆裂。宜頓放當風處。取其自乾。治法並用葱湯無時化服。或薄荷湯

痰壅嗽甚。淡薑湯下。豆瘡見形有驚。溫淨湯下。心悸不安。燈草湯下。

暑天迷悶。麥門冬熟水下。百日內嬰孩。每丸作三次投。二歲以上者。

止一丸。或二丸。其品劑修合之時。但缺一味。不依製度。必無效矣。常

用瓦瓶入麝香同收。母使散泄氣味。入珍珠末一兩。合和。名金珠散。

蓋珍珠能鎮心。寧肝墜痰。尤效。治法湯使同煎。此藥乃家傳秘方。嘗

自精製出贖人多信用取者甚衆今推誠刊行願與天下共之非敢自矜特以全嬰爲念耳

截驚丸治驚風搐掣煩燥有熱兩目上視口噤牙關

龍膽草 去蘆

防風 去蘆

青黛

釣藤 和鈎

淨黃連

牛黃

甘草

朱砂 水飛者八味

各五錢

薄荷葉 二錢半 麝香 半錢

右除牛黃麝香外餘八味剉曬或焙爲末仍同前二味乳鉢內杵勻煉蜜丸如芡實大每用一丸至二丸溫湯化服或茶清

不驚丹治因驚氣而吐逆作搐痰涎壅塞手足掣縮目睛邪視常服疎風順氣自不作驚和脾胃進飲食

枳殼 同上製一兩

淡豆豉 焙乾

茯神 去皮木根

南星 同上製三味各半兩

蝎梢 五十尾去尖毒

淨蕪荑 二錢半先入乳鉢內極細研爛

右除蕪荑外餘五味焙爲末再同蕪荑乳鉢內杵勻醋煮糯米粉糊爲丸周歲內嬰孩粟米大每服三十九至五十九乳汁下三歲以上者麻仁大每服五十九及七十九溫米清湯下候一時得喫乳食

遇諸塗救治驚風 大德戊戌夏因幹出郭至五里外見有夫婦二人抱子而哭於道旁問之答曰入城探親三歲孩兒忽得驚風不省人事觀其

面青黯色目閉神昏診之六脉全無按太衝脉沉而微有余顧曰母慮此

子可救且左右竟無人家遂於路側拾得破盃半邊有薑小塊細嚼捻汁

盃中用五苓散蘇合香丸寬氣散澆水調和灌下十數次漸覺氣回聲出

目開自此蘇矣謾附卷末同志鑒之

危亦林得效方利驚蟬退散治驚風天癩心熱夜啼驚癇

蟬退 六十箇去土足

荆芥穗 一兩

甘草 半兩蜜炙

大黃 半兩紙裹煨

黃芩 半兩生用 蝎梢 五十箇去毒

右剉散每二二錢水一盞白茅根煎溫服夜啼蟬退疹瘡紫草得利止

驚風形證不明言其陰證渾身又溫若作陽證又不大搐乃陰陽不和宜

防風溫膽湯同下大驚丸小驚丸均可用方並見前後

涼驚小驚丸

鬱金 皂角水浸煨二箇

黃連

牙硝

木香 不見火

藿香

龍膽草 各五錢 全蝎 去毒六箇

右爲末糊丸用雄黃朱砂麝香金銀薄爲衣 風癩是驚熱重麻仁

蟬退防風。白痢。白薑罌粟殼。赤痢。甘草烏梅。潮熱。桃柳枝。
 鎮驚。薄荷燈心。吐藿香。瀉木。瓜陳米。夜啼。燈心。薄荷。竈心土。
 精神不爽。冬瓜子仁。大便不通。枳殼。大黃。朴硝。盤腸。癩氣。釣
 藤。天癆亦用。嗽。烏梅。桑白皮。吐不止。丁香。未效。黃荊葉。常服
 金銀薄荷。並酌量用。
 釣藤。治一切驚風潮搐。眼視昏迷。但是驚風變易。皆可服之。

麻黃 去節 粉草 各三錢 蟬退 五箇去土足
 升麻 三錢 龍膽草 二錢 川芎 天竺黃
 釣藤 羌活 獨活 防風 各三錢

右剉散。每服二錢。竹葉三片。薄荷三葉煎。不拘時溫服。
 塗顛法。不但初生。但有風證即用。

右以麝香。蝎梢。薄荷葉。蜈蚣。牛黃。青黛。共為末。研勻。用棗肉膏調新
 綿上塗勻。貼火灸。煖。手頻熨之。百日外兒。更可用浴體法。
 浴體法。驚風及傷風不醒。漸傳風證。僵仆皆可用。

右用天麻。蝎尾。朱砂。烏蛇肉。酒浸。白礬。麝香。青黛。為末。每三錢。水三
 椀。桃枝一握。并葉。煎十沸。溫熱浴。勿浴背。

蛇頭丸。若見搐搦不已。驚狂迷悶。角弓反張。或昏沉。嚙齒。雙目直視。頻喚
 不省。變為癩證。亟宜服此藥。以除之。却不可多進。更須以疎風藥。相間調
 理。凡服此藥。亦須先以木香。烏藥。枳殼。檳榔。磨少許。灌之。却服。庶使關節
 通透。藥力無不到。

花蛇頭 酒浸去皮骨 五錢 全蝎 十五箇去毒
 紫粉 五錢 生麝香 半錢 五靈脂 五錢 朱砂 三錢

真鬱金 沉香 白附子 各五錢 金薄
 銀薄 各五片 蛇含石 二兩 沙窩煨令赤 濃煎甘草湯滓。以手攪

得蘇為度。方可用。
 右為末。煉蜜丸。小指頭大。每服大者一九。小者半九。隨證依後大風
 膏湯引下。一方加防風。僵蠶。南星。天麻。各五錢。片腦子半分。
 大風膏。定諸般風搐。

花蛇 酒浸去皮骨 蜈蚣 酒浸去糞一條
 全蝎 五箇去毒 蛇含石 二兩 燒紅醋滓七遍 天竺黃 五錢
 大赭石 一兩 燒醋滓七遍 天麻 三錢 防風 一兩
 青黛 紫粉 各三錢 僵蠶 炒去絲 五錢

白附子 辰砂各五錢 麝香半錢
天南星 三兩薑汁浸焙乾

右為末煉蜜丸。又留用麪糊丸如小指頭大。每服大者一九。小者半丸。慢驚冬瓜子仁煎湯下。搐搦鷄冠血薄荷。急驚斑竹葉薄荷化涎。桑白皮湯。退潮熱。薄荷磨刀水。止嗽。北五味子杏仁。夜啼燈心竈心土。蟬退煎湯濃磨灌下。

防風溫膽湯。消痰順氣疎風。
枳殼 去瓢 麩炒 茯苓 各半兩 陳皮 半夏

防風 各二錢半 甘草 一錢半 人參 二錢
右剉散。每服一錢。入生薑紫蘇葉同煎。服效。

人參羌活散。治壯熱涎潮。牙關緊急。

柴胡 去苗 半兩 地骨皮 去土 前胡 去苗 各二錢半
天麻 酒浸 炙 二錢半 人參 去蘆 芎藭
獨活 去蘆 羌活 去苗 枳殼 麩炒 去瓢 茯苓 去皮

甘草 各半兩 桔梗 二錢半
右剉散。每服二錢。水一盞。薄荷少許。煎溫服。不拘時候。

銀白散。治或吐或瀉。涎鳴微喘。露睛驚跳。

石蓮肉 白扁豆 炒 茯苓 各一分 人參
天麻 白附子 炮 全蝎 炒 木香
甘草 炒 藿香 各半分 陳米 炒 香 三錢

右為末。每服一錢。薑一片。冬瓜子仁七粒。同煎。或用陳米飲調下。此藥助胃祛風。作慢驚通用。

李憲德生堂經驗方。虛陽怔忡。氣怯神散。痰涎來去。其瀉必青。漸生風而未至於風也。驚邪入心。則面紅臉赤。惕惕夜啼。驚邪入腎。則面黑惡叫。嚙妳咬牙。驚邪入脾。則嘔吐不食。虛汗多腫。治法鎮驚化痰。安神定志。亦須究竟其藏。受病之處。而調理之。有所謂溫驚則當利之。先用艾灸是為活法。睡中驚啼。聲浮者易治。聲沉不響者難治。凡有急慢風證。先用擦牙藥。驚風首用此一方。

治小兒急慢驚風。速以男左女右之手第二指屈勾拳。取其第一節縫頭。用麻子大艾炷一丸灸之。即愈。危者二三壯。此法本堂試用。萬無一失。其應効如響。
治驚神應散

雄黃二錢 朱砂一錢 全蝎七箇去毒蜈蚣一條炙
僵蠶十箇直者炒

右為細末。每用半錢。薄荷湯調服。
青金丹。治小兒諸風諸疳諸痢。出東坡家藏方。神効。

青黛七錢半 雄黃 胡黃連各五錢 朱砂

膩粉 熊膽溫水化 白附子 蘆會各二錢半

水銀 蟾酥各皂子大麝香一錢半 鉛霜

龍腦各一字

右同入乳鉢內再研令勻。用猪膽一箇取汁熬過。浸蒸餅少許為丸。如黃米大。曬乾。一歲可服二丸。量小兒大小加三丸。驚風諸癇。先以一丸溫水化。滴鼻中。令嚏。戴目者當自下。瘰癧亦定。更用薄荷湯下。諸痢。粥飲下。變蒸寒熱。薄荷湯化下。諸瀉痢。米飲湯化下。疳疔。蟲咬。心苦。棟子煎化下。鼻赤爛。口齒疳。蟲口瘡等。乳汁研塗。疳眼。雀目。白。羊子肝一枚。竹刀兒批開入藥。麻縷纏定。米泔煮令熟。空腹服。乳母忌毒魚大蒜雞鴨猪肉。此丸療小兒諸疳至良。予目見小兒病疳瘡。盡。但粗有氣者。或下虫數合。無不即瘥。而肥壯無疾。幾能再生小兒。

也用之有益

衛生至寶黃白丹。治小兒驚風。

雄黃 白礬生等分

右研細。以黃蠟鎔化入藥。丸如菉豆。或黍米大。以麝香朱砂養之。量

大小服。取青綠物自大便出愈。

星香散。治小兒驚風。

南星七錢半 木香 防風 甘草各二錢半

僵蠶去絲背炒 蝎梢各半兩

右咬咀。每服二錢。薑五片。水一大盞。煎服。

袁當時大方全蝎散。治小兒驚風。中風。口眼喎斜。語言不正。手足偏廢。不

舉。趙閑閑先生方。

全蝎去毒 白僵蠶炒去絲 川芎 黃芩

天南星炮 甘草炒 赤芍藥

天麻各三錢 麻黃去根節

右咬咀。每服三錢。水一盞。薑七片。煎至六分。不以時服。

朱砂丸。治驚風搐搦。目睛上視。涎盛不省人事。

臘月牛膽南星末二兩

朱砂二錢水飛麝香一錢

甘草炒半兩

右為細末。水和丸如粟米大。一歲兒一丸。熱湯磨化下。
鷄清散治驚三服見效

赤足蜈蚣一條薑汁浸一夕炙黃

馬牙消別研一錢

僵蠶直者一錢炒去絲

白附別末一錢定粉別研

石膏一錢半煨為末

蝎尾一十四箇去毒

右為細末。每服一字大兒半錢。鷄子清調下。連進三服。人參茯苓湯

下

小兒灸法。孫思邈千金翼方。曲澤主心下澹澹喜驚。陰交氣海。大巨。主驚
不得臥。陰驕。主臥驚視如見星。大鍾。郄門。主驚恐畏人。神氣不足。然谷。陽
陵泉。主心中悚惕。恐人將捕之。解谿。主瘕瘕而驚。少衝。主太息煩滿。少氣
悲驚行間。主心痛數驚。心痛不樂。陽谷。主風眩驚。手捲。厲兌。主多臥。好驚。腋
門。主喜驚。妄言面赤。神門。主數噫。恐悸。少氣。間使。主喜驚。瘖不能言。三間。
合谷。主喜驚。陽谿。主驚瘕。通里。主心下悸。大陵。主心中澹澹驚恐。手少陰
陰郄。主氣驚。心痛。天井。主驚瘕。後谿。主淚出而驚。腕骨。主煩滿驚。

太平聖惠方。小兒睡中驚目不合。灸屈肘橫文中上三分各一壯。炷如小
麥。小兒睡中驚掣。灸足大指次指之端。去爪甲如韭葉各一。炷如小麥大。
名厲兌穴

楊子建萬全護命方。灸小兒身強。角弓反張。灸鼻上入髮際三分。三壯。次
灸大椎下節間三壯。炷如小麥大。小兒但是風病。諸般醫治不差。灸耳上
入髮際一寸五分。嚼而取之。蟀谷穴也。



